


關里誌

藝文誌

十一

ル 5
1635
5





門九
1635
卷 5

闕里誌卷之十一

藝文誌二

祭文

唐乾封元年遣司稼正卿扶餘隆致祭文

惟神玉鉤陳貺靈開

四時之源金鼎流禎慶傳三命之範神資越誕授山嶽以騰英天縱攸高蘊河海而標狀折衷六藝宣創九流睿乃生知靈非外獎於是考三古哀一言刊典謨定風什莊敬之容異備鐘鼓之音載和父子爰親君臣以穆蕩乎煥乎樂正雅頌各得其所可不謂至聖矣乎朕以涼德嗣膺神器式崇祇配展義雲亭感周禮之尚存悲素王之獨往抒軸洙泗如挹清瀾留連舞雩似開金奏昌門曳練徒有生芻之疑漢曲移舟非復祥萍之實慨然不已爰贈太師堂宇卑陋仍命修造褒聖子孫合門勿事庶能不遺百代助損益

闕里誌

卷之十一

藝文五百六十九

之可知求繼年同比肩而為友聿陳菲奠用旌無朽梅曙霞梁松春月牖德音暢而無斃形神忽其將父倘弗殊於生前亦知榮於身後

天寶十年李觀謁告文

炳乎典謨惟王者得之以事神使民庶人得之以不失其死生諸侯得之以事天子卿大夫得之以保祿位然則天地神人之事昭乎夫子之道之德也至矣向小子之所竊歎焉斯歎也其惟來學乎其惟乞靈乎曰某不敢然也且夫禮樂決於明夫子之善道也斯可謂以學矣鬼神瞰於幽夫子之明靈也斯可謂以敬矣孰敢捨道而來學躋敬而乞靈者乎於是再拜而起徊翔而觀章施足徵像設無喧我廟俎豆我王衣冠夫子得之亦無愧言七十之徒亦公亦侯外如君臣內實討論丞丞小子思得其門夫子聖人天錫元精其未生也若超然神遊與兩氣俱存其既生

也遇三季之會飄飄湮淪絃歌之音推而不和仁義之圖卷而靡陳及相魯而有喜色去宋而曰桓魋其如子何聖人之窮乃有如是邪噫俾夫子生於堯之後禹聖人得時化可知也如舜禹生於夫子之年則不過守於田畝安有夫子之教垂於無窮若今日之澶漫者乎惟夫子生實陪臣沒乃王爵有聖德也惟紂生實殷辟死曰獨夫有逆德也惟爵謚在德惟德有聖有逆惟聖逆在人不在於尊嗚呼夫子聖人之極歟鳳鳥不至無其時也秦人焚書文之衰也帝唐爵王德之興也惟夫子之德滄唐之德求而能安古而更新降康下民夙有烈光訖無間然小子忡忡慄慄拜奠而出匪作匪述

宋大中祥符元年遣清河郡開國公張齊賢致祭文

日朕以有事岱宗畢告成之盛禮緬虞闕里欽設教之素風躬謁于嚴祠特褒崇於懿號仍令舊相載

長江音 卷之十一 達精誠昭蘊 用遵典禮

天聖八年四十四代孫勗率次代孫道輔祭文

德惟王

上聖道尊太古歷帝師資群倫宗主兩曜麗天四瀆橫寓爰念蕞軀叨承世譜刻意弱齡服膺遺矩筮仕聖朝策名藝圃無德以居惟聖是怙昔蒞縣封躬持修脯自解銅童建塵金組涉歲滋深之官旁午雖有子孫嗣守邦土恨遠衮華徒瞻首領既涉郎臺更直帝宇覲猗隆構少寧丹府紹慶門闕授之道輔主上續臨官崇遺補言路是開德音斯著召備諫垣日親殿庶棟履且嚴發揮有觀上贊皇猷下幹父蠱忠孝克孚鄉校不侮內閣進班端闈布武得請天辰試才汶許惟勗抗章再臨單父同別鬆墀俱分銅虎輝耀鴻都歸還故魯林近五衢春融九鴉景物熙熙原田膺膺式仰威靈奚當鼓舞集是慶榮蓋承訓詁乃竭精誠用潔蠶無虔祭吉辰丕昭多祐惕之中心弗窮

景祐二年四十五代孫道輔祭文

道輔早持邦憲

遷守徐城大君之惠樂諫旌忠亦以祖聖慶餘能守直道不靈於法儒者進則事君退則事親忠孝之道祖教之本後嗣弗克守其孰能行之昔曾子耕山無祿能事父母今道輔位為大夫權任方面嚴父慈母不能歸養豈聖意乎因西鄉拜董天從其欲詔守故魯對敷休命且厚於親者薄於位深於道者淺於利修其身者尊其祖明於禮者先乎祀道輔不佞敢不事親守道恭祖致祀將無忝祖聖之慶夫日月之運天地之久不替之化也贊日月之明合天地之功言成其化者祖聖之教也明天子北面事之如親弟子禮固不假後見辭而尊之然後為貴也今曾授之政至治之初洒掃祠壇蠶潔牲幣粢盛庶品祈享厥誠惟福流於親益永其齡

嘉祐六年遣州通判田洵致祭文

惟王淵聖難

賜里志

卷之十一

三

羅先

厥雅道大隕文生民以來至德莫二教行萬世儀
比二王闕里之居宇惟煥遐瞻墻也述迎門扉奮于
于飛梁之蹤新茲標榜之制命工花事推策涓辰敢
議形容蓋申崇奉仰惟降格遥冀鑒觀

翰林學士蘇軾祭告文

嗟嗟元王三代之英言不鉤用於一君而為無窮之遺教

身不寵利於一時而有不朽之餘榮嗟嗟元王以道
而鳴肆筆成書吐辭為經炳然不渝言若丹青久而
愈盈聲非雷霆替者可以使馴然以駭視贖者可以
使袂耳以奔驚奈何轍環天下卒老于行載空言於
典籍示後世之儀刑回狂瀾於既倒支大厦於將傾
揭日月之昭昭破陰氛之冥冥嗟乎一氣之委和與
萬物之至精或為淮夷之蠙珠或為雲漢之華星雖
光輝之成彩未離乎散聚以流形豈若上之道德愈
久而彌明擘擘而華潤潤而停融而在天者為雲漢
之文章結而在地者為山嶽之元靈詭然龍翔而鳳
躍純乎玉振而金聲嗟嗟元王德博難名其奉王命
俯臨邊城畝有滯穗境無交兵鳴玉載道紛袍在庭

有踐籩豆有豐粢盛敢用昭薦享于克誠

崇寧四年遣官致祭文

日惟王固天攸縱誕降生知經緯禮樂闡揚文教餘烈遺

風于載是仰俾茲末學依仁游藝謹以制帛牲齊粢盛庶品祇奉舊章式陳明薦

金大定二十二年遣兗州節度使孫康致祭文

禮崇國家

儒術道尊聖師闕里廟貌于以新之雅樂具舉法服彰之庶幾鑒格末集繁禱

元至大元年遣集賢學士王德淵祭文

惟王秉德生知垂教不朽

聖之時者天何言哉由百世之後莫能違自生民以來未之有特加封號大展祭儀仍命臣僚往祀林廟

至大四年遣國子祭酒劉賡祭文

天以神器畀躬受命維新若稽

舊典肇修禋類編于群神仰惟聖神模範百世功隆
德盛宜極爰命儒臣恭請闕里侑茲儀物牲用

大率昭薦臨尚祈鑒格

延祐五年遣說書王存義祭文惟王天縱至教集厥大成儀範百王賢於堯舜嗣服伊始必祀告虔尚冀格思永昌文治

六年山東東西道肅政廉訪使劉文祭文惟王爰出而知德配乾坤道光日月總無極於覆載破未悟以通明為古今師懷帝王器全集大成之教決開榮進之源希用報章式陳明薦

至元五年遣監察御史孔思立祭文伏以列聖右文宮廟既葺立言成績貞石著辭裔孫承休作我司憲俾致嘉告以祚無疆謹以香酒太牢粢盛制帛式陳明薦

至正二年遣集賢學士郭孝基祭文惟王宗主名教表正彝倫並日月明向天地仁畫萬古之夜入四海之民惟中國之為中國實有賴於斯文欽惟皇上念闕里為毓聖之地故特祭遣一介之臣香承手錫酒分上尊惟中書欽若休命用敬助相禮之錢繕牲牢既設簠簋斯陳神之格思歆此明禮

二十一年御史中丞察罕帖木兒祭文粵自聖德魏百王而師表萬世者也欽我皇元雅尚斯文屢嘗遣使禮祀於廟庭其崇重之道度越千古頃緣妖寇鴟張梗我王化垂及五稔祀享之典遂成曠弛茲者躬承上命爰討不庭天振天聲而東土克寧魯邦戾止遐瞻墻仞軍旅事殷未遑與祭敬遣輔行敢申昭薦

皇明洪武元年

欽頒春秋二丁通祭文惟王德配天地道冠古今刪述六經垂憲萬世惟茲仲春秋謹

明皇志

以牲帛醴齊盛蒸品式陳饗薦以復聖顏子宗聖
曾子述聖子思子聖孟子配

宣德元年遣太常寺丞孔克準致祭文仰惟先師不
隆道德表正

綱常集群聖之大成爲百王之儀範茲子嗣位之初
謹用祭告求資聖化翼我治平

景泰元年遣翰林院侍講員節致祭文仰惟先師不
明古昔帝王

之道以正綱常垂憲萬世功德高厚與天地同予嗣
承天統祇嚴祀事用祈神化祐我治平

成化元年遣吏部右侍郎尹旻致祭文惟先師以天
縱之聖爲文

教之宗萬世之下綱常正而世道隆實有賴焉茲予
嗣位之初景仰惟深特申祭告求資聖化翊我皇猷

成化八年巡按山東監察御史林榮祭文天地至大
也然西北

或傾東南或缺則大者有時而窮日月至明也然既
中必及既盈必食則明者有時而晦山嶽至高也然

高峴爲谷深谷爲陵則高者有時而卑河海至深也
然瓠隄之決桑田之變則深者有時而竭若夫至大
而無窮至明而無晦高矣而不可卑深矣而不可竭
其惟我夫子之道乎夫子之道何人倫日用之當行
者是耳前乎千萬世之既往後乎千萬世之方來爲
君臣父子長幼夫婦朋友者而不悖乎是焉則君仁
臣忠父慈子孝長幼有序夫婦無別朋友無信人而
謂之人國而謂之國一或悖焉則君不君臣不臣父
不父子不子長幼無序夫婦無別朋友無信人將近
於禽獸中國淪胥於夷狄矣然則夫子之道可得而
窮可得而晦可得而卑可得而竭也哉今距夫子之
生已二千餘年歷代之君追王而師尊之通祀徧于天
下封後人以上上公之爵立官以教其子孫凡天下之
人能誦夫子之言而明其道者咸委用之大者論道
經邦小者分理庶務布列于中外我朝因之有加
無已其崇德象賢等儒重道之意可謂至矣然非以
是足報稱於夫子也蓋將以闡明世教而壽國脉也
榮自有識者夫子之言其於夫子之道譬猶以蠶

窺天未能見其萬然未足以叨清秩而竊祿於朝
碌碌無補於人國也孤夫子之澤是懼茲者謬承
上命來按山東道夫子之故鄉值歲聿云暮是用吉蠲
祀事祇謁廟庭且敬陳斯道功用之大凡使相禮者
聞而告之人人庶幾風教之一助

九年五十八代孫塔廣東僉事胡榮祭文

惟吾夫子體道設教

立言垂範俾後世學者講明力行可以復吾性之固有而盡天職之所當為也然傳聞之的每出乎家庭風化之原尤謹乎親戚故在當時詩禮有聞中庸有作者皆道之真傳而素行可妻復詩謹言者斯擇之為子壻自是厥後嗣世多賢續承家學以副歷代尊顯之意者固難悉數追我

皇明丕崇聖教廣建學以育才重賢科以取士而文孫公恂與榮同第進士官近侍因復為之妹壻絲蘿托好席蔭良多邇者同膺寵擢公恂位輔青宮日侍講讀有行道之兆榮祇奉璽書督學東廣有明道之

責實家庭親戚無疆之休顧榮愚昧於道木石荷荷

聖天子委任而振吾夫子之遺教耶謹躬請闕里特申而學政日興造王而士風日厚期無忝於國命而有光於斯道性醴薄陳庶幾昭格

十一年山東提學僉事畢瑜祭文

於戲天地綱常斯文元氣王實主之

聖天子文教於王之鄉邦敬再拜稽首於闕里之下就瑜奉命東來布宣王而質焉竊惟王嘗有意變齊至魯變魯至道惜當時一變之功僅小試於魯而不用於齊今天下一家誦王之六經者莫不尊王之道以為治為教瑜不德無以塞明詔尚資神化以裁狂簡俾齊魯多士咸知向道庶不辱王過化之鄉

十三年遣翰林院學士王獻祭文

惟王生知之資天縱之聖道德配於

一儀教法昭萬世緬懷功烈宜極褒揚顧冕服之章數雖隆而祀之儀物弗稱爰考彞章參谷輿論增樂舞為八佾加籩豆為十一蓋用祭天享地之禮樂庶副尊師重道之本意特遣儒臣遠詣闕里用伸祭告王其鑒知

十四年工部管泉主事徐源祭文

惟王至德不可以名贊天道無待乎

揄揚而獨千載之上不幸不得遊吾聖人之門千載之下何幸而得遊聖人之鄉雖曰孰仰乎學宮之廟貌曷若躬親乎闕里之門墻燭燼固不足以窺望日月之明而實慶幸學者之輝光也謹以牲帛式陳明薦

十五年吏部尚書錢溥祭文

於惟宣聖德配天地妙

貫古今而一揆此其所以如天不可階而升如日月不可踰其明集群聖之大成而賢於堯舜者也溥佩

服聖教敷歷

天朝勅賜歸老敬趨闕里少陳洞酌以告厥成

十七年五十八代孫鄒縣儒學訓導公易祭文

惟王

德厚遺澤綿綿長派分南北千載流芳曩自有宋南渡浙江宗親扈從僑寓衢邦去魯已久景仰弗忘茲蒙恩庇分教鄰岸得瞻林廟曷表衷腸謹備牲醴承筐是將聖祖在上冀祐洋洋

弘治元年遣太常寺少卿田景賢祭文

仰惟先師不

綱常集群聖之大成為百王之儀範茲余嗣位之初謹用祭告求資聖化翊我治平

十二年闕里廟災遣翰林院侍讀學士李傑致祭文

惟王道德高厚教化無窮廟貌尊嚴古今崇奉比遭回祿煨燼靡遺斯文在茲胡天弗弔肆維統緒承傳在予修復舊規不敢後特申祭告奉慰聖靈洋洋在天尚其歆

十六年巡撫左都御史徐源祭文

惟此闕廟近殿於災殆天厭敝

大道何虧奉命重修群材悉成衆手紛作以堅構締梁木既起榱桷飛甍宮墻數仞美奐美輪巍巍素王功高堯舜植我網常廟貌今稱工既告成神靈亦宅祭祀萬年盼蠻斯集

十七年新廟落成遣大學士李東陽告文

惟我先師代天立教

禮嚴報祀四海攸同嶽降在茲廟貌自古頃罹災變實警予衷爰勅有司命工重建越既五載厥工告成棟宇畢新器物咸備光昭儒道用妥聖靈特遣輔臣遠將祭告尚祈歆鑒永享明禋

本年大學士李東陽祭尼山文

聖人之生必當貞元之會稟川嶽之精尼

山之麓有洞曰坤靈者實吾夫子之所生也仰惟德合元化道存六經集群聖之條理開萬世之太平寔吾人所賴以有成者也薦享之禮報答之義達上下遠邇而無間者天下之同情也瞻我闕里有嚴廟庭

屬重建之舉為代祀之行蓋統於專命而不敢以附託為私榮也故踰三日之祭而不遠數十里之程辦香之獻少牢之薦亦惟以致愚誠也若乃幼而學壯而行為子而孝為臣而忠嚴出處之分慎始終之節以質于幽明者方竊有志焉而懼未之能也冀聖靈之如在平上在乎左右者其幸鑒之庶幾無負於心盟也

正德八年遣巡撫山東右僉都御史趙璜告文

比歲盜起

北方肆行東郡屢經闕里侵犯廟庭蓋嘗申命將官分兵守護聖靈昭布竟保安全逆亂既平儀文斯舉聿嚴祀事兼飭有司洒掃汗萊修葺損壞式還舊觀仰慰明神尚祈鑒歆永祐邦國

十四年河南按察使陳鳳梧祭文

文武之道傳之周

昭融奕奕尼山一沐泗靈秀所鍾貞元間氣五百昌期生吾夫繼大立極上承姚姒道高德厚教化

無窮六經炳耀方中騰茲闕里宮殿有翼百王所尊
 與天無極譬則萬山攸宗譬則東海萬水攸同
 藐惟小子質愚而鈍方其髫髻已知敬信朝夕在齋
 百拜稽顙如見聖容洋洋在上迺設繪像配以西賢
 春秋釋菜必恭必虔講習之餘瞻容慕德夢寐或見
 恍然侍側及叨一第歷官中外奉像以隨致嚴無怠
 幸典文教晉楚兩邦推明正學以淑後良家有精舍
 極其崇祀朝夕展肅傳之世世顧惟聖鄉未遂瞻拜
 積此愚忱二十餘載敬趨杏壇沐浴齋莊陟降左右
 道德之光如登泰山天下小矣如觀於海難平為水
 觀於聖門實難為言仰鑽瞻忽若後若前四時行焉
 百物生焉天何言哉聖道則然尚冀聖靈佑啟小子
 不墜其傳深探本始祇謁之初薦此蘋蘩斯文萬古
 天壤俱存

十五年交州府知府羅鳳修完祭器告文

惟闕里寔造化之攸

始廟庭從天下之具瞻報祀孔殷禮樂肅備曩因流寇披攘毒延東土致將彝器殘毀有司因循未之修

舉積有歲年鳳承乏守郡論此隆典實瞻乎懷迺稽
 按載籍發汶上之截錢市群材以從事質以儀禮各
 從品式今者百物咸具八音亦完謹涓吉日奉安敢
 以牲醴用申虔告惟王其鑒之

嘉靖元年遣吏部尚書石珪致祭文

惟王以天縱之聖為文教之宗

萬世而下綱常正而世道隆寔有賴焉茲予嗣位之
 初景仰惟深特申祭告求資聖化翊我皇猷

九年

世宗皇帝御製安神祭文

自昔混沌之初天命羲農軒

文武周公及先師列聖相繼奉天行道立教誨人肆
 我

聖祖再造區宇化行天下我

聖祖崇禮于先師者御製有典冊俱在予惟寡昧

祖憲去胡元褻慢之儀像如

祖制崇禮之聖謨稱號核實俎豆究本以遵禮典兼體先師至意予實不獲賴先師默鑒及良輔洪儒所贊之也爰擇令辰特命大臣奉先師神位以及配從之位於此惟先師鑒知未依陟降大運神化教我君民俾予性理早開而無負皇天付托之眷命暨士庶學業咸正而無違先師傳道之至情予實有賴焉惟先師覺之

本年告啟聖公孔氏文

惟公誕生至聖為萬世王者之師功德顯著故茲妥奉公位於此以先賢顏氏魯孔氏孟孫氏先儒程珦蔡元定朱松配

十五年後學沈謚祭文

嗚呼聖師道參天地後世蒙其覆載而不知其功聖師之文章如並日月後世被其照臨而不知其功聖師之文章如星斗江河從心所發後世效之而不知其本聖師之學如精金玉渾然天成後世習之而不知其真真克考當時及門之士號稱傳得其宗者不過顏魯思孟

四公而已嗣後寥寥餘一千載雖有英賢特達後先倡明此學賴以不墜亦未見光顯透徹如聖師之精切神明化變無方者也聖師在天之靈能無悄悄不妄矣乎近得豪傑君子履危當險深體聖師之心闡揚致知之學恍若聖師復生耳提面命簡易直截後之有志者可以佩服終身免其不著不察之患也矣未學小子幸巡聖師之鄉復沾闕里之化誠千載一時佳期難得徒巡人而不自察見聖而不克由其得罪愈覺大且深矣敢忘愚陋卒業杏壇凡有世情習態消之未盡克之未能者聖師默佑扶翼陰加悔悟免為聖門棄人此小子日夜惓惓之心死而後已焉者也宮墻拜謁不勝慨嘆無言之教相信之誠蓋有脉脉感通之機矣聖師其鑒察之物薄心真冀其歆格

三十五年巡按山東監察御史毛鵬祭文

仰惟慕先聖之道希見羨墻謁先師之眷言此邦茲其托洙泗而結壇者舊轍還而棲止闕里而聚處者曾恂恂而頡頏

夫子之道無處不有無時不然於鄉黨而悅挹其謙
光眷纓奕業贊校名芳所謂賢於堯舜者中固不可
名而迄今愈顯揚騰等問俗名東造里升堂儀刑雖
現瞻遡茫茫舉酒釋奠神其來嘗

三十八年提學副使孝豐吳惟嶽祭文

師道天然莫知所擬得門

而入美富在是幼讀師書夢寐闕里迺獲來瞻云胡
不喜六經四書師訓炳傳約而言之不越政學四教
無隱冀後有覺滔滔皆是今更渾源學罔為已忠信
弗率志毅耻緼始務佔俾聞見未多疑殆自必勇或
亂義文皆勝質徒事攻人私是用區有號識者日繁
講論索隱何述口給非仁庸德庸言師嘗誨人所未
乎子所求乎臣五者達道曾不出家未踐其實願撫
其華蔬食飲水樂豈在遐遑遑聲利日思無邪何如
從政在帥以正兵食可足無信為病學道愛入禮樂
斯競百姓不安何以修敬弗均迺貧有欲迺竊四惡
五美倒行决裂使不以時用其云節苛猛於虎製且
結舌君維使臣民欲令聚兇出玉毀伊誰之故枉直

攸分在慎舉錯不果不達胡容容素以今政學回視
春秋未流愈下大道是仇維師振鐸為絕學謀維師
泣麟為窮民憂俾見今日殆有甚者席不暇暖每在
子夏師靈在天鑒觀於下何時易之還諸大雅小子
踴涼攝教東方志欲起衰愧不成軍古有問天亦有
望洋小子似茲誠在潤芳

隆慶元年遣尚寶司卿劉奮庸致祭文

追惟先師道兼群聖教備

六經歷代帝王是宗是式茲予踐祚之始良深景慕
之懷特遣廷臣用申祭告伏冀昭垂訓迪永祚皇猷
萬曆元年遣尚寶司丞張孟男致祭文
追惟先師道兼群聖教備

五年巡按山東監察御史王藻祭文

於惟先師萬古是瞻道集大成

德配昊天六經貽訓堯舜能賢一哉心法啟示真傳
天爛群蒙長夜綿延俾扶周統一百餘年一字予奪

華衮龍泉乘桴擊磬歷聘周旋乃思吾黨成童斐然
 時行物生至教昭焉千載道脉歷世敷宣麗天日月
 在地山川迄我昭代精一是一式惟金惟玉條理昭
 晰微言奧義垂訓作則啟祐斯文遠追古昔以植天
 常以立人極剖迪性真民用無惑直道大行無反無
 側咸惟聖訓啟我懿德泰予不敏簡書是將肅寮
 貞度赫奕委章聆教趨庭佩服周行岱嶽巖巖泗源
 湯湯杏林闕里垂世衣裳絃誦盈耳禮樂彬鏘仰瞻
 在上神爽洋洋一七之俎一豆一觴對越孔嚴瘞
 獻璋千古淑艾願言門墻

六年巡撫山東右副都御史趙賢祭文

惟師上律下襲祖述憲章

六經垂教萬世無疆蓋賢深懼不能學焉而東巡乃
 幸遊於聖人之鄉至魯至道嘉言孔彰將必有所以
 為注措之方杏壇故迹瞻戀徬徨無亦惻然念賢以
 及桑梓之邦為之陰佑而默相俾賢慰生平仰止之
 私而亦庶幾無玷於宮墻

十一年山東巡撫陸樹德祭文

惟師東周之念寤寐不忘雖千萬世

猶想見其皇皇樹德等叨更茲土何以奉揚尊美屏
 惡聖謨洋洋舉直錯枉嘉言孔彰節用而愛教時尤
 良彼其為操戈者則鳴鼓之分張時惟繹思厥有周
 行聖明陟降游行出王祗修禮祀蒲伏恐惶

十八年山東巡按鍾化民祭文

惟師至德難名曰維太極太極生兩儀四

象八卦先師生上下四方萬世生於一時者王道
 備生在於萬世者師道尊化民備員西臺代置東省
 材居下乘志仰高山敢不體生生之心以佐
 皇皇之治牲牲既潔醴酒既清敬采溪毛用伸度祭

諭祭衍聖公并夫人文

附

洪武十四年

皇帝遣行人張濟民諭祭衍聖公希學文

日三綱五常之道始於上

古列聖相承率修明以育生民至於中古將欲墜焉非先師孔子孰能阻之今生民多福惟三綱五常之道備耳蓋世之大德者天下不論沒天民無惡聲所以為帝者師血食千萬世不泯子孫存焉朕以爾孔希學繼世焚修永張斯教以顯爾祖何期計昔一至云及長往於戲襲封榮貴克保令終可無憾矣特遣使以牲醴致祭爾其享之一自此至六十三代衍聖公俱有諭祭文不備錄

正統元年

皇帝遣行人李春諭祭衍聖公故母太夫人胡氏文

爾婦於孔門有子襲封顯爵惟爾克盡母儀允資慈訓祇承宜聖之祀弗忝厥後當受褒封之命以享安榮今以壽終夫復何憾尚其有知服此諭祭一自此至六十三代夫人俱有諭祭文不備錄

奏疏

漢成帝時梅福上封孔子後疏 仲尼之廟不出闕里孔氏子孫不免編戶

以聖人而歆匹夫之祀非皇天之意也今陛下誠能據仲尼之素功以封其子孫則國家必獲其福又陛下之名與天二極何者以聖人素功封其子孫未有法也後世必以為為則不滅之名可不勉哉

唐咸通十年魯國公請修廟奏狀 右鄆曹濮等州觀察使孔溫裕奏伏

以禮樂儒學教化根本百王取則千古傳風國朝弘闡文明尊尚祀典不違古制大振皇猷今曲阜縣乃魯國故都文宣王廟即素王舊宅興儒之地孕聖之邦所宜廟宇精嚴禮物俱舉近者以兗州頻年災歉都廢修營徒瞻數仞之墻纒識兩楹之位雖春秋無缺於釋奠而揖讓頗紊於彝章遂使金石之音靡聞於盼饗俎豆之設常列於荒蕪聖域儒門豈宜墜墜臣忝為遠裔叨領重藩咫尺家鄉拘限戎鎮望闕里

全上自廿六

而無由展敬瞻廟貌而有願興功臣今差人齎持料錢就兖州據廟宇傾毀處悉令修葺皆自支費不擾州縣所需獲遂幽懇克申私誠伏緣兖州非臣本界須有申奏伏乞天恩允臣所請無任惓惓屏營之至謹具如前中書門下牒郵曹漢觀察使牒奉勅鄒魯故鄉俎豆遺教文武之道未墜於地溫裕雖持戎律宛有家風屬兵革之方殷飭聖門以弘教牆新數外廟設兩楹盡出私財不煩公用綽有餘裕益見器能已賜詔嘉獎餘宜依仍付所司牒至准勅故牒

宋景德三年王欽若請勅修廟奏狀

京東轉運使資政殿大學士尚

書兵部侍郎知通進銀臺司兼門下封駁事王欽若奏諸道州府軍監文宣王廟多是摧塌及其中修葺完葺者被勾當事官員使臣指射作磨勘司推勘院伏以化俗之方儒術為本訓民之道庠序居先况傑出生人垂範經籍百王取法歷代攸宗苟廟貌之不嚴即典章而何貴恭以睿明繼統禮樂方興咸秩無

文偏走群望豈可泮宮遺烈教父靈祠頗闕修崇以成廢業仍令講誦之地或為置對之司混插捷於絲歌亂桎梏於籩豆殊非尚德有類戲儒方大振於素風望俯頒於明制欲乞特降勅命指揮令諸道州府軍監文宣王廟摧毀處量破倉庫頭子錢修葺仍令曉示今後不得占射充磨勘司推勘院及不得令使臣官員等在廟內居止所貴斯文載耀學校彌光克彰鼓篋之風用洽舞雩之理中書門下牒宜令逐路轉運司遍指揮轄下州府軍監依王欽若所奏施行牒至准勅故牒

元祐元年四十六代孫宗翰奏襲封人不兼他官狀

中散大夫鴻臚卿孔宗翰奏今有管見雖千臣本家之事上繫朝廷典禮臣伏見先臣孔子之後世襲封爵一人自西漢以來有襲成侯之國魏晉以降又有奉聖崇聖恭聖之號其名不一皆有實封咸以百練奉祀聖朝祖宗以來益加崇封真宗東封禮畢親詣儒廟眷遇隆厚恩禮備至貴道之美冠映古今然名

有未立必待聖朝而正之蓋襲封疏爵本為待禮今乃兼領他官不在故郡且承襲之人皆取嫡長之義子封不必有德朝廷既許居外何能更戀祖堂以至於法度不修庭宇頽敗恬不為怪曾人傷之欲乞特下有司講求古今典禮議其所宜今後不使襲封之人兼領他職仍乞別立請俸終身使在鄉里如此則知其不可輕去必能嚴潔祭祀敦睦親族上以裨聖朝風化之美下以為衰宗家世之幸

本年臣寮請世襲給田奏狀

臣寮上言切以曾中孔子廟貌國之所常敬然

而錫田之數不足以調族人襲封雖存未免有事奔走甚非所以尊崇之意方朝廷日新盛德推獎名教仰惟先聖宜極尊崇伏望聖慈明詔有司講求典禮增錫土田之數別異世襲之人使天下四方知朝廷尊崇之意而於聖化豈小補哉伏候勅旨奉旨令禮部太常寺同共詳定聞奏付禮部施行本部看詳前代典故自漢魏以來莫不封孔子之後優錫田戶未嘗明立制度故承賜之禮有時而盛衰國家褒崇

先聖之典隆厚真宗常賜經史於其家使兖州擇儒生講授有以見祖宗尊奉聖祀度越前代今眾參議合依所講釐定典禮命官以司其用度立學以訓其子孫則朝廷崇儒貴道之本意

五年四十六代孫宗翰請增林戶奏狀

夫子墳林今丁千六百餘

年子孫皆葬其間周圍十餘里喬木參天近年以來多為盜賊斫伐州縣既不留意看林戶又以減省涿泗之上識者傷嗟方當朝廷全盛之時天下被其惠澤鄒魯聖師之地衰歇如此臣昔在慶曆中魯記一事梁適知兖州日乞以補兵代廟戶又裁減人數方是時宰相童得象欲如其請參知政事范仲淹獨曰此事與尋常利害不同自是朝廷崇奉聖師美事仁義可息則此人數可減吾輩雖行他人必復之朝論遂已當時天下以此賢仲淹而鄙得象疏入哲宗遂詔如舊

元王懽請立襲封奏狀

伏見歷代尊禮孔聖世有襲封以奉祀事會驗國朝自

辰年間欽奉聖旨於南京取到五十一代孫孔元措
赴闕令襲封於魯自元措之後嗣襲遂闕歲時主祀
止令曲阜令治承權祀事甚非大宗主祭之義我國
家尊師重道焜耀百代三教九流莫不崇奉豈惜一
人爵祿而不議封建蓋未有舉行者合無聞奏明考
族譜令宗親推其賢而有文者襲其封爵俾奉祀事
以明天下風俗之本寔聖代殊常之盛典也

王惲請教孔顏孟三氏子孫奏狀

伏見國朝尊師重

顏子孟子孫故往者特設教官使之養育比年以來不
聞一人有學業聞望者雖親炙祖庭其淵源聞見終
是寡陋今後合無選三人家德性頗明俊者使入京師
國學令學士等官教育庶幾有成以昭先世之德

大德四年間中奉請加襲封祿秩奏狀

翰林學士間

先聖文宣王之後自漢以來襲封公侯之爵俱有食
邑歷代相仍至唐宋金視晉有加各依品秩頒支俸

給國朝有天下累聖崇奉至元三十一年今上皇帝
即位首授五十三代孫密州知州孔治中議大夫襲
封衍聖公爵一品散官四品合得俸祿未蒙給賜若
者任官然後爵之位定然後祿之上自一品下至可
縣小吏俱有俸給况朝廷崇尚聖人之後既已頒降
宣命獨領虛名未沾實祿豈稱爵祿相須之義照得
前代襲封各兼他職視其兼職以為俸廩之差今既
無兼職若止視散官品秩照依隨朝正四品例每月
幫支俸鈔俾之有爵有祿以奉祭祀益見明時尊崇
聖道之意

皇明

成化十二年國子監祭酒周洪謨題加禮樂疏

近者

孔子封號冕服籩豆佾舞等事禮部尚書鄒幹等參
稱洪武年間新創南京太學止用神主不設塑像今
國子監有塑像者不過因前元之舊不悉毀撤以此
觀之孔子冕十一旒衣十一章蓋因前元之舊亦非

聖朝之制臣以為不然自古帝王之有天下莫不因所
 當因革所當革我
 太祖高皇帝正祀典百神封號凡前代所封者盡行革
 去惟孔子封號仍存其舊天下郡縣皆有元時三皇
 廟像以民間不可褻瀆亦皆革去惟孔子塑像除南
 京太學用神主外天下府州縣學元時塑像悉存其
 舊所因所革皆以定一代之規垂萬世之法豈可謂
 所革者為聖朝之制而所因者非聖朝之制乎
 又謂謚號器數之加否不足為孔子重輕所貴乎孔
 子之道者在身體力行乃為尊崇之實臣以為孔子
 之道不列乎禮樂今欲體孔子之道亦莫先乎禮樂
 若不能備其禮樂則無以將其誠敬報本之義既疎
 體道之功安在臣今查得唐開元中始封孔子為文
 宣王被衣衾冕樂用宮縣當時衾冕之名通乎上下
 天子之衾冕十二旒十一章一品之衾冕九旒九章
 宮縣者天子之樂也樂既用天子之宮縣服必用天
 子之衾冕是唐之奉孔子者已用天子之禮樂矣宋
 承五代衰敝之制至徽宗朝始加孔子冕為十二旒

元時孔子廟貌徧於天下皆冕十一旒衣十一章
 聖朝孔子冕服籩豆樂革悉因元制然而冕服既用天
 子之禮而侑舞則用諸侯之樂以禮論樂則樂不備
 以樂論禮則禮為僭禮既不明樂又不稱孔子在天
 之靈必所不享夫禮樂之因於前元者既有缺略則
 法制之明於聖朝者當為釐正若事因循不加釐
 正後世君子必見非笑如蒙准言乞勅內閣大臣
 并六部三法司六科十一道等官計議首則正其封
 號合無表明孔子周人當用周制其所封乃當時天
 王之王非後世國王之王故從前代以來皆用天子
 冕服封號既正則冕服與封號相稱而禮不為僭矣
 次則增其器數合無將十籩十豆增為十二籩十二
 豆六侑之舞增為八侑之舞器數既加則侑舞與冕
 服相稱而樂不為缺矣禮明樂備則可以格神靈可
 以厚風化可以補前代缺略之典可以備聖朝尊
 崇之制誠為便益奉
 聖旨是尊崇孔子是朝廷盛典准他奏籩豆增為十二
 六侑增為八侑通行天下該衙門知道欽此

弘治元年吏部尚書王恕題請釋奠禮儀疏

手本內開

皇上於今年二月初三日幸太學釋奠先師孔子以臣
 為分獻東哲官榮幸莫大焉竊觀儀注內一段開稱
 導引官導上詣大成殿陛下典儀唱執事官各司
 其事執事官各先斟酒於爵候導上至拜位贊就
 位百官亦各就拜位四配十哲分獻官各詣殿陛東
 西階下兩廡分獻官各詣廡前俱北向立贊迎神樂
 作樂止贊上鞠躬拜與拜與平身通贊陪祀官行
 禮同贊揖主上摺主執事官跪進爵樂作上受
 爵獻畢復授執事官爵奠于神位前樂止贊出主
 上出主四配十哲兩廡分獻官以次詣神位前奠爵訖
 仍以次出殿門外東西向立典儀唱送神樂作樂止
 贊上鞠躬拜與拜與平身通贊陪祀官行禮同導
 引官導上由中道出分獻官以次退若依此儀注
 則分獻官始終不拜矣恐非禮也臣愚以為分獻官
 拜位當在殿陛之下列於陪祭官之前迎神送神之

上拜分獻官陪祭官俱拜似為近禮臣讀禮記文王世子
 子篇有曰凡學春官釋奠於其先師秋冬亦如之此
 言春官之釋奠主於行禮非報功也故無幣又曰此
 始立學者必釋於先聖先師及行事必以幣此言立
 學事重故釋奠必以幣今

皇上嗣登大寶初幸太學即所謂始立學也臣愚以為
 釋奠當用幣爵亦當三獻今儀注內無獻幣之禮是
 行春官釋奠之禮非始立學釋奠之禮也似為未安
 或以為舊儀注如此臣以為舊儀注是當從之或有
 差誤亦當更之以求合平宜似不可訛承訛也如
 蒙准奏乞下臣言于禮官會同翰林院官議之然後
 行事則

聖明幸學釋奠之禮庶幾合平宜而可傳之于後矣奉
 聖旨是尊先師既成化初年有所舉只孔子前加幣用
 太牢改分獻為分奠其餘儀物俱照本樂年例行欽
 此

九年禮部尚書倪岳覆奏樂舞人數疏

據太常寺卿 崔志端奏

子之樂該用樂器人數七十之名先師孔子原舊樂生四十六名用天子之樂該添樂生二十六名等因到司案呈到部看得禮備樂全誠為盛世之典况舞佾既增樂亦須稱合行太常寺將先師孔子祭祀合用樂器人數照數增益其樂器如有缺以合行該衙門置造及通行天下照例施行奉
聖旨是欽此

十二年山東巡撫都御史何鑑題請修廟疏

據兗州府備曲

阜縣申弘治十二年六月十六日夜子時雷雨交作火從宣聖家廟東北角上起延燒家廟五間齋廳五間東廡二十八間及寢殿七間二世祖孔鯉廟三間三世祖子思廟三間西廡二十八間大成門五間手植檜一株

太祖高皇帝詔旨碑文并樓

太宗文皇帝御製碑文并樓遂延燒大成殿十間東便門六間西便門六間大成殿東小便門三間西小便

門三間寢殿東西兩便門共六間啟聖殿五間毓聖侯廟三間風消雨止火方救息通計燒毀殿廡等房一百二十三間緣係修建事理未敢擅便等因具題奉

聖旨該衙門知道欽此隨該禮部尚書徐瓊等題覆行山東巡撫何鑑親詣估計擇日興工仍行孔氏子孫痛加修省以回天意奉
聖旨是欽此

十七年山東撫按徐源陳璘會題孔廟落成疏

據提督修

建闕里廟庭僉事黃繡呈蒙委本職接管專一提督修建依蒙親詣工所督併委官曹州同知魏宗舜等嚴督匠作人等照依原擬規制間數大成殿九間寢殿七間俱兩簷大成門家廟啟聖殿金絲詩禮堂各五間兩廡連廊共一百間啟聖寢殿三間神厨二十一四間庫房九間碑亭二座衍聖公齋宿房十二間逐一修建完備財用有餘物料充足官私竭九工藝盡巧堅美雄壯視昔有加及照奎文舊閣梁柱短小規

模不稱呈明本院亦已造完七間二簷堅固敞堪以儲蓄經籍再照廟傍原有毓粹觀德二門以通出入緣逼近廟臺街路短促不稱趨謁今於前門少北各建東西門一座三間扁曰快觀仰高謁廟入門者仰觀深遠又前門并二門原止三間今改建大門大中門各五間與廟宇前後掩映相稱橋梁皆級煥然鼎新杏壇碑額亦加彩繪俱完除將支用銀兩物料役過夫匠數目另行布政司造冊繳報外今將修完前項工程呈報到臣等親詣關里看得僉事黃繡修蓋完整規模壯麗工藝精緻比昔迥異足稱瞻仰今呈前因會同巡按山東監察御史陳璘議得先師孔子道冠古今垂憲萬世廟宇之災雖一時之屯厄恭逢

皇上御極崇儒重道褒德報功鼎新修建起萬世之觀瞻今工既落成伏乞 命館閣儒臣捧 勅祭告以妥聖代成功之盛更 命館閣儒臣捧 勅祭告以妥聖賢之靈庶道德光輝宣著同天地悠久高明奉 聖旨該部知道欽此隨該禮部尚書張昇等覆本奉

聖旨是遣尚書李東陽祭告著欽天監擇日來看欽此

正德七年請城關里疏

山東撫按題據分巡東充道僉事潘珍呈正德七年正月

初七日響馬強賊約有二千餘騎突至曲阜縣將公廨併四街官民房屋燒燬二百餘間殺傷良人擄掠婦女當夜到於孔廟駐劄照得宣聖廟在兗府東北二十里之外地方曠野原無城郭節次流賊往來在彼作踐所幸廟貌無虞近雖撥有靖海衛存操官軍四百員名看守但賊勢衆大官軍數少賊至則聞風奔散賊退則在彼偷閑徒爾糜費月糧於事分毫無益况曲阜縣去廟不滿千里今該縣廳堂并城中居民房屋又皆被賊燒毀十無一二合無乞 勅該部議處越此縣治殘毀之餘廟貌猶存之際將曲阜縣治移徙廟傍周圍量築城池以備防守如此庶廟貌縣治俱可以永保無憂矣奉

聖旨該部看了來說欽此隨該戶部尚書孫交等覆題既經勘議明白合無依其所議將曲阜縣治移就關

里廟庭一處伏乞

聖裁奉以
聖旨是准議欽此

嘉靖四年初建三氏義倉文移

山東巡撫右僉都御史王堯封為建修義

倉碑記以垂久遠事據曲阜縣申稱衣裳差新泰縣孔承震羅穀六百石見今預備倉寄貯孔氏子孫原借米易穀二百石在孔廟內寄貯顏氏子孫原借米易穀一百石在顏廟內寄貯通共一千石又蒙發下泰安州銀三百兩著落知縣孔承震會同教官李應春照數糴穀一千石運赴義倉收貯擬合行原委縣丞王來鳳前去曲阜縣公同知縣孔承震教諭李應春將前項粟米易換粟穀四百石二項糴買粟穀一千六百石盤進新建義倉如法囤放毋致腐爛亦不許別項借支就於聽差餘銀內比照預備倉斗級工食銀兩僉撥斗級二名看守待後荒年聽孔聖公明

顏博士督令族長查審貧窮宜賑與不能婚喪宜助者開行本縣具申本院支給照依朱子社倉之法取息以求積少成多此先聖先賢之後在官司所宜優恤以盡尊崇之典在聖公與博士及族長各宜自相救助以安先聖先賢在天之靈不待人勸勉督責而自當為者先具查盤進實數開報仍行守巡官時常稽查俱毋違錯不便抄案依准呈來

五年禮部尚書席書題優免樂舞生疏

該山東兗州府濟寧等州

曲阜等縣南城崇聖等籍仲穩等奏切照臣等充宣聖廟樂舞生身役自洪武七年十一月十日奉禮部咨填內府湯字三十二號勘合為釋奠事內開宣聖廟四時祭祀合用樂舞生於府州縣儒學內開宣選選或於民間俊秀子弟內選用取到濟寧曲阜等州縣樂舞生張濤陳慶等一百二十餘名內將二十名起送太常寺協律郎處習演樂舞生熟間蒙欽賜寶鈔回還常川在廟應役俱照原膳生員事例除

本身優免外供給人丁專一習演樂舞聽候四時致祭至成化十二年間祭酒周洪謨奏為增加文廟禮樂事奉

聖旨尊崇孔子是朝廷盛典准他奏增樂舞為八僧加籥豆為十二增添樂舞生李整等八十名通行天下知道欽此弘治九年間又該太常寺卿崔志端奏為陳言時政事奉

聖旨是准令添樂舞生二十六名俱照前例優免其間老故准令各生家下弟侄兒男代替如無相應照例取補原額之數以備應祭欽此正德六年間各該州縣里書求索不遂將樂舞生供給人丁革去一槩科派重差累極未便該樂舞生楊高等奏為懇乞天恩遵照舊例優免雜差事奉

聖旨是准照舊優免欽此欽遵至嘉靖三年遇例審編均徑里書圖利不遂將冊內樂舞生供給人丁一槩混派大戶馬頭等項重差見今負累不前臣等因無供給每遇大祭艱苦萬狀不能應役以致至聖廟庭四時大祭大成樂章不能全設伏望

皇上垂念

累朝頒降盛典乞

勅禮部轉行撫按衙

聖朝崇重之盛典奉

聖旨禮部知道欽此禮部覆本准照舊將各生戶內供給人丁一槩差役照舊例優免仍各給帖執照奉

九年大學士張璁題正祀典疏

切惟先師孔子有功

下祀之萬世祀之其祀典尚有未安者不可不正臣謹采今昔儒臣所議上請

聖明垂覽仍行禮部集議一洗前代相習之陋永為百世可遵之典臣無任願望之至

一謚號 謹按漢平帝元年初追謚孔子曰褒成宣尼宣王元武宗加大成至聖文宣王宋真宗加至聖文哀公諱之子貢以為非禮至平帝時始封謚褒成宣尼公蓋于莽假善以收譽遂其姦謀也 國初大學士吳沈孔子封王辯曰後世之禮有甚似而實非者

不可不察也且以追謚夫子為王言也夫子聖人也
 生不得位死而以南面之禮尊之其說似矣然王君
 之號也夫子人臣也生非王爵死而謚之可乎哉昔
 者夫子嘗有言曰必也正名乎又曰名不正則言不
 順臣而王之於名正乎於言順乎春秋之時列國有
 僭王稱者矣麟經之筆削而黜之蓋名者實之著也
 無其實有其名謂之淫名夫子之生也不獲有尺寸
 之士今而以有天下之號歸之在天之靈其肯歆之
 哉嗟夫有德必有位理之常也有其德而無其位此
 則夫子之不幸也魯謂以無實之稱而足以為聖人
 榮乎或曰夫子之道王者之道也謂仲尼素王其來
 久矣奚至今封之而不可呼謂天子有王者之道則
 可謂天子有王者之號則不可昔夫子病子路使門
 人為臣夫子責之曰久矣哉由之行詐也無臣而為
 有臣夫無臣不可以有臣非王而可以稱王乎聖人
 不敢欺天也人其可以欺聖人乎然則當若之何曰
 夫子之澤不被於當時而其教實垂於萬世褒之以
 王之貴曷若事之以師之尊乎書曰天降下民作之

君作之師古者治教之職不分君即師也師即君也
 一帝二王盡君師之責者也若夫子則不得君而為
 師者也師也者君之所不得而臣者也故曰雖詔於
 天子無北面所以尊師也彼以王爵之貴為隆於稱
 師者習俗之見也考之經在當時聖門高弟之稱其
 師者有曰孔子有曰夫子其孫子思直字之曰仲尼蓋
 夫子既無爵謚則稱之者不曰仲尼必曰夫子觀其
 門人弟子之不敢過號其師則知以無實之謚加於
 聖人必非聖人之意也天下之論每病於徇同惡異
 而不本乎至公至當之理談夫子之封王則必相與
 和之以為狂悖矣夫謂天子之不當封王則必相與
 之以為狂悖矣吁此所以行之數百年之久而未嘗
 敢議其非者彼之不敢議其非者必曰我畏聖人也
 畏天下之罪也若吾之說則雖得罪於天下不憾
 也懼得罪於聖人而已曰請問今將何以尊聖人曰
 在明其道不在乎王在乎王又前布政夏寅作政監曰
 唐玄宗開元既尊老子為元玄皇帝尊太公為武成
 王則追謚孔子蓋有不得而闕然者也夫自漢元始

初追謚孔子以來歷魏晉隋唐各有加封然釋奠於學校止稱先聖豈可專以開元二十七年李林甫不學無術之謬制為萬世成式乎且宣之一字於謚法為輕當時不過以配太公武成之號豈足以贊孔子大聖人乎且歷世帝王所以尊孔子者尊其道也道之所在師之所在也故以天子而尊匹夫不嫌於屈使孔子無其道雖王天下豈足以當萬代帝王之祀由是而言稱帝稱王皆未為當豈若稱先聖先師之合禮乎又前祭酒丘潛論曰後世尊崇孔子始夫漢平帝之世是時政出于莽姦偽之徒假崇儒之名以收譽望文姦謀聖人在天之靈其不之受也必矣有若曰自生民以來未有盛於夫子者也豈一言一行之善而可以節惠立謚也哉然則不加以謚號將何以稱曰千萬世之下惟曰先師孔子以見聖人所以為萬世尊崇者在道不在爵位名稱也又曰夫自漢平帝追謚孔子為宣尼公後世因謂孔子為宣父又謂為宣尼至開元又加文與宣為謚然文之為謚法有所謂經緯天地者也孔子亦曰文王既沒文不

在茲乎以是謚之固亦幾矣若夫宣之為謚法之美者不過聖善周聞而已豈足以盡吾聖人之大德哉况唐未加聖人是謚之前而北齊高洋李元忠南齊蕭子良隋長孫賢之數人者固先有此謚矣天生聖人為萬世道德之宗主稱天以誅之猶恐未足以稱其德彼區區荒誕之稱汗下之見何足為吾聖人之輕重哉又曰自古謚號必加以實字未有用譬喻之語者成之言出於尚書大成之言出於孟子成者樂之一終也孟子以樂之始終兼聖智之全譬喻孔子之聖兼伯夷伊尹柳下惠之清之任之和而時出之蓋假設之辭非真實之德也加此二字於至聖文宣主之上固於聖德無所增益也臣觀孔子作春秋其意切切於華夷之辨毫髮不肯假借正恐後世夷狄或至犯我中國之分防微杜漸無所不至豈意稟楹之後千有八百餘年天翻地覆而有蒙古之禍也哉由是推之聖人之心臣恐在天之靈必不之受也

一童服

謹按唐玄宗開元間詔追謚文宣王仍出王者衮冕之服以衣之宋真宗祥符間加先聖

冕服桓圭一從一公之禮冕九旒服九章宋徽宗崇寧間始詔用冕十二旒衣服九章金世宗大定間大成殿聖像冠十二旒服十二章朱熹語錄曰宣聖本不當設像春秋祭時只設主祭可也及按洪武年間新創南京太學止用神主不設塑像今國子監有塑像者不過因前元之舊不忍毀撤以此觀之冕十二旒衣十一一章實因前元之舊非聖朝之制丘濬論曰臣按塑像之設中國無之至佛教入中國始有也三代以前祀神皆以主無有所謂像設也彼異教用之無足怪惟者不知祀吾聖人者何時而始為像云觀李元璣言顏子立侍則像在唐前已有矣嗚呼姚燧有言此史敢有造泥人銅人者門誅則泥人固非而土為主以祀聖人法也後世莫覺其非亦化其道而為之郡異縣殊不一其狀長短豐瘠老少美惡惟其工之巧拙是隨就使畫善亦豈其生時盛德之容甚非神而明之無聲無臭之道也 國初洪武十四年首建太學

聖祖毅然的是見千古之非自夫子以下像不土繪祀以神主數百年夷教乃革嗚呼盛哉夫國學廟貌非但以為師生瞻仰之所而天子視學實於是乎致禮焉夫以冕旒之尊而臨夫俎豆之地聖人百世之師坐而不起猶之可也若夫從祀諸儒皆前代之縉紳或當代之臣子君拜於下而臣坐於上可乎臣知非獨名分之乖舛而觀瞻之不雅竊恐聖賢在天之靈亦有所不安也或者若謂既已博土為之其事之以為聖賢一旦毀之以為泥滓似乎不恭竊觀聖祖詔毀郡邑城隍塑像用其土泥壁以繪雲山載在令申可考也矧所塑者特具人形耳豈真聖賢之遺貌哉程頤論人家祖宗影有一毫不類則非其人彼親見其人而貌之有毫髮不肖似尚非其人况工人隨意信手而為之者哉臣惟文廟之在南京者已行聖祖之制今京師國學乃因元人之舊正統中重修廟學惜無以此上聞者倘存以聞未必不從今天下郡邑恐於勞民無俟改革惟國學乃天子臨視之所乞如

聖祖之制以革千古之夷教如儒臣宋訥所云者誠千

萬世儒道之幸仰惟
聖祖有大功於世教十數此其一也發揚祖宗之功烈
亦 聖子神孫繼述之大者

一 籩豆樂舞

謹按唐開元間詔祀先聖樂用宮縣舞
籩十簋全豆十蓋全一國朝成化十二年用國子監
祭酒周洪謨議詔增六佾舞為八佾加籩豆為十二
前祭酒章懋論曰按國學之祭舊有十籩十豆故增
為十二籩豆蓋尊以天子之禮也郡縣之祭舊惟八
籩八豆今增一焉止為十籩十豆而已而通行天下
謂之十二籩豆其說未明行禮者尚詳審之又夏竦
曰籩豆增為十二六佾增為八佾臣當時論奏以為
十二籩豆八佾唯太學可行此
皇上所自祭也若十三布政司各府行之則祭禮僭矣
蓋天子之禮所以用於太廟郊天古之諸侯唯祀宋
王者之後得用先代禮樂他雖周公有大功魯用天
子禮樂孔子亦不欲觀以其僭也况於今各府可用

天子禮樂乎臣竊惟夏寅之論所以矯當時之失其
曰天子之禮所以用於太廟郊天誠然矣然推孔子
敬天之心八佾十二籩豆之禮肯安然享之而同於
天子魯用天子之禮樂孔子誠不欲觀之矣然推孔
子尊君之心八佾十二籩豆又肯安然享之而同於
天子乎

一 配享

謹按自唐以前先聖先師周公南向孔子東
向坐至玄宗開元間始正孔子南向之位顏
回唐貞觀間詔配享曾參孔伋俱宋咸淳間配享孟
軻元豐間配享宋洪邁曰自唐以來相傳以孔門高
弟顏淵至子夏為十哲坐祀於廟堂上其後升顏子
配享則進曾子於堂居子夏之次以補其闕然顏子
之父路曾子之父黜乃在廡下從祀之列子處父上
神靈有知何以自安所謂子雖齊聖不先父食正謂
是也又姚燧曰江之左進曾子子思並顏孟別躋子
張於曾子之舊由孟子而視弟子思師也由子思而視
曾子又師也子思孔子孫也弟子於師孫於祖坐而
語道者有之非可並南面燧知四子已避讓於冥冥

中不能一日自安其身。一堂之上，况又祀無繇點鯉於庭，其失在於崇子而抑父。夫為是學宮，將以明人倫於天下，而倒施錯置於數筵之地，如此奚以為訓？又能永日宜別設一室，以齊國公叔梁紇居，中南面，顏路魯哲孔鯉孟孫氏侑食西向。春秋一祀當先聖酌獻之時，以齒德之尊者為分獻官，行禮於齊國之前，其配位亦如之。如此則亦可以示有尊而教民孝矣。又謝鐸奏曰：學校之設，皆所以明人倫也。人倫莫先於父子，子雖齊聖，不先於父，食祭何承訛襲故，以顏魯思三子配享堂上，而其父則皆列祀廡下，冠履倒置，有是理哉？為今之計，莫若別於闕里立廟，祀叔梁紇而配，以顏路魯哲孔鯉諸賢如先儒熊去非之論。庶幾各全其尊，而神靈安妥也。又前侍講學士程敏政奏曰：自唐宋以來，以顏子魯子子思子孟子配享坐堂上，而顏子之父顏無繇魯子之父曾點子思之父孔鯉皆坐廡下，臣考之禮子雖齊聖，不先於父，食而二代之學皆所以明人倫也。夫孔子之所以為教，與諸弟子之所以為學者，不過明此而已。今乃使子坐於

上，父坐於下，豈禮也哉？若以為此乃論傳道之功，則自古及今未有外人倫而言道者。縱出於後世之尊崇，非諸賢之本意，臣恐諸賢於其具之中必有不安于心，而不敢享非禮之祀者。臣考之元至順三年嘗封顏無繇為祀國公，孟子之父孟孫氏亦嘗封邦國公，臣愚乞下有司於各處廟學別立一祠，中祀啟聖王，以祀國公顏無繇萊蕪侯曾點泗水侯孔鯉邾國公孟孫氏配享，庶不失以禮尊奉聖賢之意。臣又竊觀聖學失傳千五百年，至程朱出而後孟氏之統始續，則程朱之先亦不可缺。况程子之父大中大夫封未年伯程珦首識濂溪，周子於屬椽之中薦以自代，而又使二子從游。朱子之父韋齋先生追謚獻靖公，朱松臨歿之時以朱子託其友籍溪胡氏，而得程氏之學，珦以不附王安石新法退居于洛，松以不附秦檜和議奉祀于闕，其歷官行已俱有稱述。臣愚乞將未年伯程珦獻靖公朱松從祀，啟聖王使學者知道學之傳有開必先明倫之義，不為虛文矣。臣謹按：孝宗皇帝實錄錄載謝鐸所陳三事，謂叔梁紇立廟及吳

澄從祀事，鐸與學士程敏政嘗言之，俱以廷議不允而止。

一從祀

謹按程敏政奏曰：唐貞觀三十一年始以左丘明等二十二人從祀孔子廟庭。蓋當是時，聖學不明，議者無識，拘于舊註，疏謂釋奠先師如詩有毛公禮，有高堂生書，有伏生之類，遂以專門訓詁之學為得聖道之傳，而并及馬融等行之。至宋誠不可不考其行之得失與義之可否，而釐正於大明有道之世也。臣考歷代正史，馬融初應鄧騭之召為秘書，歷官南郡太守，以貪濁免官，髡徙朔方，自刺不殊，又不拘儒者之節，前授生徒，後列女樂為梁冀草奏，殺忠臣李固，作西第頌以美冀，為正直所羞，即是觀之，則衆醜備于一身，五經為之掃地。後世乃以其空言目為經師，使循坐于孔子之庭，臣不知其何說也。劉向初以獻賦進喜，誦神仙方術，嘗上言黃金可成，鑄作不驗，下吏當死，其兄陽城侯救之，獲免。所著洪範五行傳最為舛駁，使其子經世之微言流為陰陽術家之小技，賈逵以獻頌為郎，不修小節，專一附會。

圖讖以致貴顯，蓋左道亂政之人也。王弼與何晏俱為清談所註，易專祖老莊，而范甯追究晉室之亂，以為王何之罪深於桀紂，何休則止有春秋解詁一書，黜周王魯，又註風角等書，班之於孝經論語，蓋異端邪說之流也。戴聖為九江太守，治行多不法，懼何武劾之，而自免。後為博士，毀武於朝，及子賓客為盜繫獄，而武平心決之，得不死，則又造謝不慚，先儒謂聖禮家之宗，而身為賊吏，子為賊徒，可為世鑒。王肅在魏，以女適司馬昭，當是時，昭篡魏之勢已成，肅為世臣，封蘭陵侯，官至中護軍，乃坐觀成敗，及母丘儉文欽起兵討賊，肅又為司馬師畫策以濟其惡。若好人伎已，乃其過之小者。杜預所著亦止有左氏經傳集解，其大節益無可稱。如守襄陽則數餽遺，洛中貴要給人曰：懼其為害耳，非以求益也。伐吳之際，因斫瘦之譏，盡殺江陵之人，以吏則不廉，以將則不義。凡此諸人，其於名教得罪非小，而議者謂能守其遺經，轉相授受，以待後之學者，不為無功。臣竊以為不然。夫守其遺經，若左丘明公羊高穀梁赤之於春秋，伏勝

孔安國之於書毛萇之於詩高堂生之於儀禮后蒼之於禮記杜子春之於周禮可以當之蓋秦火之後惟易以下萃僅存而餘經非此九人則幾乎熄矣此其功之不可泯者以之從祀可也若融等又不過誦詁此九人所傳者耳况其書行于唐故唐姑以備經之數祀之今當理學大明之後易用程朱詩用朱子書用蔡氏春秋用胡氏又何取漢魏以來駁而不正之人使安享天下之祀哉天所以祀之者非徒使學者誦其詩讀其書亦將識其人而使使之尚友也臣恐淫邪貪墨恠妄之迹將自其於效尤之地曰先賢亦若此哉其禍儒害道將有不可勝言者矣至於鄭衆盧植鄭玄服虔范甯五人雖若無過然其所行亦未能以窺聖門所著亦未能以發聖學若五人者得預從祀則漢唐以來當預者尚多臣愚乞將戴聖劉向賈逵馬融何休王肅王弼杜預八人視罷祀鄭衆盧植鄭玄服虔范甯五人各祀於其鄉后蒼在漢初說禮數萬言號后氏曲臺記戴聖等皆受其業蓋分

禮記之書非后氏則不復傳於世矣乞加封爵與左丘明等一體從祀則偽儒免欺世之名賢者受專門之祀而情文兩得矣又曰孔子弟子見于家語自顏回而下七十六人家語之書出于孔子弟子當得其實而司馬遷史記所載多公伯寮秦冉顏何三人文翁成都廟壁所畫又多遠瑗林放申張三人先儒謂後人以所見增益殆未可據臣考宋邢昺論語註疏申張孔子弟子在家語作申續史記作申黨其實一也今廟庭從祀申張封文登侯在東廡申黨封淄川侯在西廡重複無稽一至於此且公伯寮愬子路以沮孔子乃聖門之蝨螻而孔子稱瑗為夫子決非及門之士林放雖嘗問禮然家語史記邢昺註疏朱子集註俱不載諸弟子之列秦冉顏何疑亦為字畫相近之誤如申張申黨者但不可考臣愚以為申張申黨位號宜存其一公伯寮秦冉顏何遠瑗林放五人既不可載於家語七十子之數宜罷其祀若瑗放二人不可無祀則乞祀瑗於衛祀放於魯或附祭於本處鄉賢祠仍其舊爵以見優崇賢者之意亦庶乎名實相符

而不死于禮也。又曰：洪武二十九年，行人司司副楊砥建議請黜楊雄，進董仲舒。太祖高皇帝嘉納其言而行之。主張斯道以淑人心，可謂大矣。然荀况、楊雄，寔相伯仲，而况以性為惡，以禮為偽，以子思、孟子為亂天下，以子張、子夏、子游為賤儒，故程子有荀卿過多、楊雄過少之說。今言者欲並黜况之祀，宜也。然臣竊以為漢儒莫如董仲舒，唐儒莫如韓愈，而尚有可議者。一人文中子，王通是也。通之言行先儒之論已多，大約以為僭經而不得比于董韓云爾。爾臣請斷之，以程朱之說。程子曰：王通隱德君子也。論其粹處，殆非荀揚所及。若續經之類，皆非其作。然則程子豈私於通哉？正因其言之粹，首而知其非僭經之人耳。朱子曰：文中子論治體處，高似仲舒，而本領不及，爽似仲舒，而純不及。又曰：韓子原道諸篇，若非通所及者，然終不免文士之習利達之求。若覽觀古今之變，措諸事業，恐未若通之精到懇惻。而有條理也。至於河汾師道之立，出於魏晉佛老之餘，迨今人以為盛，則通固豪傑之士也。今董韓並列。

從祀而通不與，疑為缺典。臣又按宋儒自周子以下，凡人同列從祀，而尚有可議者。一人安定胡瑗是也。瑗之言行先儒之論已詳，大約以為少著述而不得比于濂洛云爾。臣亦請斷以程朱之說。程子看詳學制曰：宜建尊賢堂，以延天下道德之士。如胡瑗、張載、邵雍，使學者得以矜式。朱子小學書亦備載瑗事，以為百世之法。臣以為自秦漢以來，師道之立，未有過瑗者。矧程子於瑗之生也，欲致其與張邵並居於尊賢之堂，其沒也，乃不得與張邵並侑於宣聖之廟。其為闕典甚矣。况宋端平二年議增于賢，從祀以瑗為首，若以謂瑗無著述之功，則元之許衡亦無著述，但其身教之懿，與瑗相望，誠有不可偏廢者。臣考之禮，有道有德于教于學者，死則為樂祖，祭于賢宗鄉先。生歿則祭于社。若通、瑗兩人之師道，百世如新，得加封爵，使與衡同祀於學宮，最得禮意。謝鐸奏曰：孔廟從祀之賢，實萬世瞻仰所係。有若龜山先生楊時、程門高弟伊洛正傳、息邪放淫，以承孟氏不愧南軒所稱繼往開來，吾道南矣。實演晦翁之派，雖其晚節一

出不克盡從其言而新經之闢誠足以衛吾道而不與從祀之列臣竊惑焉又若臨川郡公吳澄著述雖不為不多行檢則不無可議生長於淳祐貢舉於咸淳受宋之恩者已如此之久為國子司業為翰林學士歷元之官者乃如彼其榮處中國而居然夷狄忘君親而不耻仇虜昔人謂其專務聖賢之學卓然進退之際不識聖賢之於進退果如是是否乎如是而猶在從祀之列臣固不能以無憾况一人者皆大學之師其於廟祀黜陟之際尤不可以不正也舉人桂華議曰嘗讀宋史有蔡元定者史曰朱熹疏釋四書及易詩傳綱目通鑑皆與元定參計啟蒙一書則元定之稿又曰元定平生問學皆寓朱子書集又曰朱子論易推本圖書往往與元定往復而有發焉然則後朱熹而生者於朱熹皆受罔極之恩惟元定獨為有功於朱熹死者可作朱熹之志可知也更復考其所著有成書律呂新書皇極指要洪範解大衍詳說等篇皆我

太宗文皇帝編輯性理全書指要新書固已採錄至於範數雖止入其子沉之所著者沉之所受則何自哉觀其命沉之言汝宜演吾皇極數而真德秀又謂範數西山獨心得之沉之受於元定蓋不出師傳而自得之也可先王制祀以死勤事則祀之竊以元定蓋亦勤斯道而竄死與古以死勤事者同所宜從祀臣謹詳敏政所奏率多正論可采弘治初曾奉旨會議率為沮格不行及按

孝宗皇帝實錄云鐸議吳澄不當從祀尚書傅瀚力詆鐸言為謬又力稱前人之請為有見不可遽易侍郎焦芳曰所謂前人者蓋楊士奇也今天下方議其當柄用之際雖從祀大事猶能私庇其鄉人可又襲其非刑瀚竟引禮所謂凡祭有其舉之莫敢廢詩書所謂率由舊章監乎成憲攸文其說而於澄忘宋事元之大節略不及澄遂仍舊從祀而鐸議皆寢論者謂士奇之以澄欺

宜廟非特私其鄉人而指意亦有在瀚不悟此則唯鄉里之私而不顧君臣之大倫正道統之攸繫乃據為舊章成憲再不可議然則楊時奏黜王安石之配

享當時安石豈無朝命而配享哉特其命雖出自朝廷而事實由臣下阿私所親以誤朝廷而非天下之公議所以易之後世竟不以為過也此豈橫私意乎胸中者所能與哉臣又詳桂華之議蔡元定宜列祀典以協眾論之公也臣又按歐陽修乃有宋一代人物未與從祀嘗觀其所著本論實有翊衛聖道之功蘇軾曰自漢以來道術不出於孔氏而亂天下者多矣五百餘年而後得韓愈學者以配孟氏蓋庶幾焉愈之後三百有餘年而後得歐陽子其學推韓愈子以達於孔氏故天下翕然師尊之曰歐陽子今之韓愈也夫韓愈既已從祀歐陽修豈可闕哉奉

聖旨孔子祀典未正久關朕心將欲命議覽卿此奏考論精詳覈實名分崇師尊道足見至意禮部便會同翰林詹事府春坊并國子監禮科議擬來說查照我皇祖原定禮并此奏內事宜一體更正隨該禮部覆本內開會同大學士桂萼翟鑾詹事顧鼎等官會議輔臣張璠所奏正祀典事逐一議擬開坐上請奉

聖旨是這祀典你部裏既會官議擬停當該號樂舞筵

豆配享從祀都准議行凡神像都作之偽章服委的起於塑像之瀆有同釋氏夷教所宜亟行屏除不許奸邪之徒假不惑以加正人之罪依擬國子監責令祭酒等官各學校責令提學官通行改正以稱朕尊師重道之意一翰林院編修張袞一本慎祀典以隆盛德事一編修徐階一本慎祀典以彰盛德事一河南道掌道事御史黎貫等一本陳愚忠以裨典禮事一又禮科都給事中王汝梅等一本獻未議以裨祀典事俱辯論張璠本孔子不當去王號禮樂不啻減數等議奉

聖旨朕因這廝每逆論非諸道已作諭着抄示他每對來禮部知道

本年行人司司正薛侃奏重文廟正祀典以敦化理

疏竊惟孔子之道垂範百王故文廟極尊崇之典而曲阜又闕里之地臣奉使曾藩自擊其弊故考祀典謹陳平事伏惟一俯賜採納施行

一議置驛 曲阜縣關里孔林所在天下臣工行過交額之容訛而問之咸曰曲阜十六里耳半為孔氏以免其役則是以八里之民而當天下之士大夫奈何不困瘁而弗堪乎議者謂曲阜尚有二夫一馬十五驢出站他縣驛之差可以取回或行撫按官員從長議處協濟務使士夫得展其誠邑民不受其累則先師之靈慰而尊崇之意盡矣

一議正門 文廟前築高垣但從旁門出入問其故為之夫便士夫之輿馬而塞文廟之正門其可乎哉臣愚以為闕里非他郡邑比請亟行改正為宜

一議從祀 兩廡禮皆左右列坐惟兗州府有北面朝廡自孔安國而下各十六人亦皆北面朝坐則此禮之失不但一處為然矣一門之內舉自相矚從祀者安之乎孔子安之乎請通行釐正自國子監始

一議罷祀 從祀如公伯寮家語不載必非弟子又魁也及秦冉顏何皆不見家語均去之可也如漢馬融自設絳帳前授生徒後列女樂如融不行罷祀害道傷教甚矣

一議配享 顏曾思孟配享於堂上而顏子之父顏無繇曾子之父曾點子思之父孔鯉皆坐堂下揆之人情大非所安愚請於大成殿之東東廡之上別為一室以祀三子之父庶幾兩為所宜而不失理一分殊之義矣

一議陸九淵 宋儒陸九淵生而清明學術純正自孟子其緒九淵繼之心學復明今諸子皆已從祀而九淵獨未從祀蓋以蚤歲嘗與朱熹論說不容故其徒擠之為禪如九淵者乞賜贈從祀

一議陳憲章

翰林院檢討陳憲章博而能約不離入倫日用而見焉飛魚躍之機雖無著述其答人論學數書已啟聖賢之局鑰伏乞將憲章賜謚從祀以彰我皇明之盛奉
聖旨這本所言禮部便照前旨一併會議更正本朝儒臣待公論定後再議

十一年禮部題為議幸學以興教化以全文治疏

先該本部題奉

欽依嘉靖十一年三月十三日

聖駕臨幸太學釋奠先師所有孔顏孟三氏子孫例該行取赴京至期迎接
聖駕陪祀行禮照得衍聖公孔聞韶及翰林院五經博士顏從祖孟公肇合無本部差官馳驛前去行取及另取孔氏老成族人五人顏孟族人各二人仍照例一同馳驛前來供事奉
聖旨是一每幸學俱有欽取文不備錄

三十一年衍聖公貞幹奏討祭葬疏

臣妻張氏已蒙授封夫人近於

嘉靖三十年七月二十六日在家病故竊念臣草茅賤士仰承先蔭世受國恩感戴鴻慈無補報仰惟

皇上至仁如天澤及槁骨臣祖父及祖母前母李氏病故俱蒙累朝卹典一體遣官諭祭塋葬臣妻病故伏望

皇上示同仁勅下禮部查例奏請准賜祭葬奉聖旨禮部知道欽此本部查有前例與祭壇翰林院撰文仍照例差行人一員前去致祭及行工部照例差官造墳塋葬等因題奉
聖旨准照例與祭葬欽此欽遵一每代俱有奏本文不備錄

萬曆元年山東撫按會題復世職疏

先是隆慶四年

趙可懷奏革曲阜世職理民事止許管林廟事務其該縣事令本府清軍同知駐劄曲阜管理縣事奉有

成命甫及三年因事體不便至本年巡撫傅 巡按具會題為酌議世官以慰民心以全 國典事奏復曲阜縣世職知縣奉

聖旨吏部知道該本部尚書楊 議得曲阜世職知縣

乃 國家優崇先聖之典止當慎擇其人不當偏併棄其法既經撫按會題相應通行議擬合候

命下備行山東撫按官行提學道將三氏學孔姓生員

換取六名考取四名送撫按覆考二名送部考選一

人授以曲阜知縣照舊管理民事如果政有成績聽

撫按官奏薦一體陞用如果廢職殃民不時叅劾罷

黜其本府清軍同知回府專管清軍奉

聖旨是

四年山東撫按會題世職朝覲疏

巡撫李 巡按麻

覲以一法紀以勵職守事看得曲阜知縣舊係孔氏世

職不與黜陟以故不在應朝之列然官守因是敗壞

而縣治幾廢惟其無所懲勸之故耳邇幸

聖明允吏部之議行冷前撫按官暨提學道遴選孔族

生員之才者得孔弘復始授之任而又欲覈其治行

嚴其黜陟如流官事例蓋於厚聖裔之中又有飭吏

治之意以故弘復上畏 國法下守家學日以奉公

修職潔已愛民為事以是曲阜之民莫不傾心愛戴

稱頌其賢而逃移遂多復業賦稅悉完是誠無忝于

先師之裔而允副良牧之選者也除俟任久政成兩

院奏薦陞用外所據乞要遵例入 覲一節司府僉

議咸謂其宜者蓋以本官既應在黜陟之列縣治又

設有佐貳之官則述職大典誠不容以獨廢相應題

請以便遵守伏乞 勅下吏部再加議覆行令依期

應 朝奉

聖旨吏部知道該吏部尚書張 議得知縣孔弘復職

司牧民既在黜陟之例述職大典自難獨異所據撫

按官具題前因相應依擬合候 命下行令知縣孔

弘復查照各縣正官朝 覲事例依期應 朝聽考

察以後永為遵守施行奉

聖旨是

表章

漢孔融薦禰衡表

臣聞洪水橫流帝思俾乂爰求賢理
 業購咨熙載群士響臻陛下睿聖纂承基緒遭遇厄
 運勞謙日仄惟岳降神異人間出竊見處士平原禰
 衡年二十四字正平淑質貞亮英才卓犖初涉藝文
 升堂觀奧目所一見輒誦於口耳所暫聞不忘於心
 性與道合思若有神弘羊潛計安世默識以衡准之
 誠不足惟忠果正直志懷霜雪見善若驚疾惡若讐
 任座抗行史魚厲節殆無以過也鷲鳥累百不如一
 鷄使衡立朝必有可觀飛辯騁辭溢氣分圭涌觥疑釋
 結臨敵有餘昔賈誼求試屬國詭繫單于終軍欲以
 長纜牽致勁越弱冠慷慨前世美之近日路粹嚴象
 亦用異才擢拜臺郎衡宜與為比如得龍躍天衢振
 翼雲漢揚聲紫微垂光虹霓足以昭近署之多士增
 四門之穆穆鈞天廣樂必有奇麗之觀帝室皇居必
 畜非常之寶若衡等輩不可多得激楚陽阿至妙之

容掌技者之所貪飛兔驟裹絕足奔放良樂之所急也臣等區區敢不以聞陛下篤慎取士必須効試乞令衡以褐衣召見如無可觀采臣等受面欺之罪

唐太子弘請暨修廟碑表

臣聞周師東邁商閭延降抱關之想况泣麟魯躅歌鳳遥芬被縶禮於昌辰飾殊榮於窮壤者伏惟皇帝陛下資靈統極稟粹登極乃聖乃神體陰陽而不宰無為無事均雨露之莫私六符薦而泰階平百寶臻而天祚永靈臺所以偃伯延閣由其增綯尚齒尊賢邁鴻名於萬古興仁繼絕騰峻軌於千齡大矣哉茂實英聲固無德而稱矣日者封金岱畎會主梁陰路指沂川途經關里迴鑿駐蹕式監唐禹之姿闢纒疑旋載想溫良之德於是特紆宸渙贈以太師爰命重臣申其奠醑廟堂卑陋重遣修營褒聖侯德倫子孫咸蠲賦役臣恩均扈從迹濫撫軍舊烈遺塵躬陪瞻眺雲壇相圍欣覲前聞又昔歲承恩齒曾膠膠歷觀軒屏具列門徒想仁孝於

顏曾彌深景慕採風猷於竹帛冀啟顯蒙所以敢輕陳聞庶加褒贈天慈下濟無隔異時咸登師保式光泉夜敢以前恩重茲于請臣竊謂宣尼之廟重闡規模桂奠蘭蓋永傳終古崇班峻禮式賁幽挺而翠琰莫題言猷靡暢訪諸故實有所未周且將聖自天惟幾應物拯人倫於已墜甄禮樂於既傾祖述勳華三千勵其鑽仰憲章文武億兆遵其藏用豈可使汾川遺碣獨擅於無慙峴岫餘文孤標於墮淚伏見前件孔廟營構畢功峻業增輝事資刊勒敢希鴻澤令樹一碑但遼海清夷兵無致發山東豐稔時踰常歲况鄒魯舊邦儒教所起刊勒之費未足為多許其子來不日便就乞特矜照遂此愚誠臣識昧常規言慙通理塵瀆聽覽追增竦戰奉勅旨依請

元任氏辯正孔湏表

臣妾任氏聞教自叔麥自來雖自涓涓自涇雖大禹之神不能變清以為濁蓋天理有不不移之義豈聖門容異姓之人伏乞臣妾之子孔

湏乃五十一代襲封衍聖公孔元措之耳孫五十二
 代孔之固之豕嗣生長從於稚齒提挈至於成人有
 美維髯遺印在耳雖云庶出寔係長房為經版蕩以
 來遂失適庭之訓以致宗族闕議詞訟無休吾道於
 是乎不光祀事以之而大缺肝心殞裂涕泣無從但
 以名諫寡妻身當圯族抱閨門之戚戚望天闕之悠
 悠所積瀰漫何由控懇必遇清明之世能平精衛之
 冤茲者伏遇上天眷命皇帝陛下龍飛九五運應一
 千始為儒教大宗師今作中原聖天子乾坤浩浩一
 新汗俗之餘日月煌煌照被覆益之下無淹不振有
 廢皆興顧惟孔氏之家寔係生民之望千七百載厥
 聞愈彰五十二傳其直如矢自相沿於百代曾莫系
 於一朝至於賢與不賢在人品高低之不嫡仍復
 嫡見天心付與之分明方當朝廷甫定之秋適屬士
 論回公之日伏惟陛下俯垂昭鑒大廟聖源因之以
 禮義之方加之以師傳之職有教固無類也見賢然
 後用之上可以立皇朝繼絕之良規下可以導聖祀
 無窮之正派雖文昭武穆不幸有幽厲之衰奈丹朱

商均未害為堯舜之後自惟蟻蟻輒犯雷轟臣妾不
 勝惶懼戰慄之至匍匐待死闕下泣血奉表以聞

皇明

景泰二年襲封衍聖公彥縉謝賜三臺銀印玉帶一

品金織衣表伏以建中立極本治教於六經沂流求源特推恩於宗子天心鑒悅寒族增光

恭惟

皇帝陛下聰明睿智文武聖神祖述唐虞道已隆於天
 下憲章周孔心猶塵於魯東太學為昭代之賢關既
 承臨幸天宗為素王之嫡長特見褒崇範白金而印
 釵三臺琢美玉而腰圍一帶盛以丹漆之函束以雲
 章之服服以拜賜而廷陛光輝蔽以傳家而子孫慶
 幸賜鞞鞞而先之以烏紗錫酒牢而加之以白粲恩
 施溥博俾同宅俊之賢禮待優隆不鄙草茅之賤是
 皆因本而厚末肆獨念祖以及孫符雨露之霑濡同
 乾坤之覆載自三代以來未有盛於今日者也臣縉

質本凡庸承繼先師之緒學無裨益濫承顯爵之封
 象賢深愧於前人崇德欣逢於盛世頌揚莫既感
 激惟深伏願國有學黨有庠術有序益隆
 聖道於無窮事同軌書同文行同倫永固
 皇圖於悠久

成化元年衍聖公弘緒謝修廟表

伏以文教誕敷離
 照普臨於海宇儒

宗大慶鼎新復見於宮墻成千載之偉觀匪一家之
 私幸光覃鄒魯遠陋金元茲蓋伏遇
 皇帝陛下體備中和志兼謨烈乾剛獨運闢四門以廣
 忠言渙號孔揚奉兩宮以隆孝治登延耆俊屏斥異
 端講籍田之禮以厚民生卻貢獻之私而恢邦計加
 崇釋奠重師表百主之功常御經筵究刪述六經之
 旨當廟宇落成之日應治元初紀之年載念
 先皇舉斯盛典屢勤天吏督被群工出官帑以佐經營
 發役人以充輪作禮庭中起視昔有加寢殿相高於
 艾斯稱像設儼衣冠之肅歲時壇俎豆之輝文星遠

應乎璧壘化雨再沾子洙泗總賴乾坤之力致茲輪
 奩之休臣爵與上公身叨主祀孔林無恙企聞詩聞
 禮之風闕里有嚴愧肯構肯堂之業侍虞庠而觀盛
 舉已被鴻恩瞻嵩嶽以祝蕃釐載申微忱伏願配乎
 天配乎地慶無疆之治于一人作之君作之師享有
 道之長於萬世

十三年衍聖公弘泰謝加樂舞籩豆表

伏以

皇朝稽古右文隆海寓升平之治
 聖主尊師重道增廟庭祀享之儀
 詔旨播傳儒林欣
 皇帝陛下欽明文思齊聖廣淵日御經筵妙契乎易書
 詩禮春秋之奧天付神器遠宗于堯舜禹湯文武之
 傳治已臻而猶若未臻道已至而猶若未至緬懷先
 師之功烈詔同享帝之儀文
 綸音渙發于彤庭
 告先文廟香幣遠頒于闕里輝映魯林濯濯太牢尊
 禮寔符于漢祖煌煌御製褒揚遠過于唐宗服袞
 冕而用宮縣夫子容儀如在加籩豆而增侑舞

聖朝禮樂維新，玉振金聲，儼冠裳之肅肅，神歡人悅，隆福祿之穰穰，亘古莫加于今，為盛弘恭，叨承明命，主祀祖庭，仰瞻天使之賁臨，光延遺胤，恭率族人而趨謝，端拜嚴宸，伏願允執厥中，益究帝王之學，協于克己，率臻理道之純，得天命得人心，表四方而建極，如岡陵如阜，祝萬壽以齊天。

弘治十七年衍聖公聞韶謝重建廟表

伏以禮必積百年而後興

事有曠百世而始建，是蓋政關治體，爵本民彝，凡在斯文，式均慶戴，若乃餘波騰澤，沾被子孫，其視恒情，何啻百倍，竊惟闕里祖廟，肇自前朝，列聖以來，累加修葺，比歲鬱攸，示戒煨燼，無遺伏遇皇帝陛下天啟聖衷，道符先揆，顧宮墻之舊地，寔海宇之具瞻，爰勅有司，重加修建，集四方之公帑，閱五載之程期，材幹堅良，工製精密，廟貌嚴整，輪奐偉然，既不替于前規，復恢張乎新制，足以妥靈昭佑，崇德報功，極天下之大觀，且古今而不再者也，又有奎華春藻，降自重霄，石刻金書，垂之萬代，出容臺之香

幣備郡邑之繁，犧特遣重臣，遠稱殷禮，衣冠畢集，宅里增輝，臣聞韶甫襲管，封方嬰服，制念君命，重於家事，而祖廟尊於父喪，易服以迎拜，天顏而敢後趨，朝而謝率族姓，以偕行，伏願聖學緝熙，儒風丕振，家詩書而戶禮樂，益弘世道之光，天日月而地山川，永賁人文之化，徒深祝頌，曷罄名言。

嘉靖三十五年衍聖公尚賢襲封謝表

伏以道重真儒，懋錫表章

之典，賞延奕世，載叨綸綍之榮，殊恩光被于私門，崇報聿隆於曠代，簪紳共慶，俎豆生輝，茲蓋伏遇皇帝陛下天縱聖神，紹百王而撫運，日新玄德，綏五福以康民，闡溟泗之微言，箴垂敬一懋，唐虞之盛治，極建中，和追六經，刪述之功，隆萬世師崇之典，憲章祖述，念臣祖以何裨，崇德象賢，荷聖恩之薦及，丹書焜耀，竊慙績服之能，赤組清華，深抱循墻之懼，臣敢不勉承祖武，用副國恩，學禮學詩，祗服趨庭之訓，惟忠惟孝，永輸報主之忱，伏願戩穀延禧，緝熙凝命，得其名，得其壽，萬年

覃文教以申麻作之君作之師四海沐浴寵綬而篤
臣尚賢無任瞻天仰聖激切屏營之至一以前襲封
俱有謝表文不備錄

萬曆四年

今上皇帝幸學釋奠先師

欽取三氏子孫陪祀觀禮衍聖公尚賢等謝表

伏以

聖人作而物覩萬方荷德教之敷師禮崇而道尊于載
廣文明之會盛典式彰乎
帝治洪恩普逮于儒宗觀國有光承家何幸恭惟
皇帝陛下神聖當天聰明首物咨師臣而闡德涵百主
道法之精御講幄以橫經總六籍圖書之秘切兼述
作治邁古今茲當風清俗美之時益懋稽古右文之
化爰循典故載舉鴻儀躬萬乘以臨雍偉矣壯宮
墻之勝儼再拜而釋奠賁然增俎豆之輝禮既備于

尊崇澤復流于苗裔駁奔而子孫咸在驛召而
孟是借講易講書冠帶預橋門之聽賜茶賜坐絲
綸承黼座之溫振代偉觀一時盛事臣等箕裘粗紹
詩禮未聞荷

列聖之表章絃歌在魯奉
九重之新命禩將于京幸陪入廟之咨詢敢替循墻之
俯僂伏願緝熙聖學不振儒風作君作師篤祐寵
綏于萬世同文同軌聲名覃被于八荒一以前欽取
俱有謝表文不備錄

頌贊

春秋魯人孔子誦二章

呂氏春秋曰孔子始用於魯魯人誦之曰麇裘而鞞投之無戾鞞之麇裘投之無郵及三月政化大成又誦之曰衮衣章甫實獲我所章甫衮衣惠我無私

漢張超尼父頌

遺歌魯衛

魏曹植孔子廟頌

修復舊廟豐其薨宇莘莘學徒爰居爰處王教既備群小湫沮魯道以興求作憲矩洪聲登遐神祇來祐休徵雜沓瑞我邦家丙光區域外被荒遐

晉孫楚尼父頌

皇矣尼父聖哲之傑德比天地明齊奸雄用世乃養門徒廣延俊乂垂訓列國頌聲魯衛威震夾谷義厭陳蔡德之休明幽而彌泰超矣三

陽里言 卷之十一 風馳雲邁 四十五

皇明

聖駕幸辟雍頌孔公恂撰

天開

皇明奄有萬方垂斯百年中葉彌昌
太祖太宗仁廟宣考四聖同功以傳以紹天祐
國家俾熾而昌全以所統付之我
皇我皇御極清明在躬仁漸義摩道洽德融東夷西戎
南荒北漠曾不踰年式歌且樂
皇不以庸承以謙冲惟儒是重惟道是崇以身立教事
此臨雍乃命太常毛烙牛羊鉤羹太載有茲其芳乃
命官人法駕以陳玉輅龍孫繹繹循循龍旂陽陽和
鸞雍雍我
皇戾止顯邛斯容玉帛煌煌鼓鍾鏘鏘我
皇淵塞以將祀享諸侯皇皇大夫濟濟我
皇於穆載宣經理荷歟休哉地闢天開神人歡悅前古

莫借龍輿而震虎嘯而風億萬斯人於樂辟雍辟水
洋洋聖謨孔彰臣佩德音沒世不忘再拜稽首敢作
頌辭于以祈穰于以祝釐祚我
皇明如日方升我
皇攸寧百千萬齡

漢索隱述贊

孔子之先肇于商國弗父能讓正考銘

生德七十升堂四方取則行誅兩觀攝相夾谷嘆鳳
遠哀池麟何促九流仰鏡萬古欽躋

魏侍中王燦正考父贊

恂恂正父應德孔盛身為國
卿族則公姓年在著耄三葉

聞政誰能不怠申茲約敬醴粥予且偃僕受命名書
金鼎祚及後聖

晉陸機孔子贊

孔子敬聖配天弘道風扇玄流思探
神寶明發懷周興言謨老靈魄有行

言觀蒼昊清歌先誠丹書有造

洪方生孔子贊

文王既沒微言將廢
闡化繫象素
洙泗發揮中葉

道映周季

唐睿宗御製孔子贊

猗歟夫子實有聖德其道可遵
其儀不忒刪詩定禮百王取則

吾豈匏瓜東西南北

宋太祖御製孔子贊

王澤下衰文武將墜尼父挺生
河海標異祖述堯舜有德無位

哲人其萎鳳鳥不至

真宗御製宣聖贊

立言不朽垂教無疆昭然令德偉
哉素王人倫之表帝道之綱厥功

茂實其用允威升中既畢盛典載揚洪名有赫懿範
彌彰

廷臣分撰弟子贊

顏回

賢哉子淵惟仁是好如愚屢空鄰幾觀與用行
舍哉與聖同道封岱丁辰益茲榮號

閔損

子騫達者閔閔成性德冠四科孝先百行人無
間言道亦希聖公衮壇封均乃天慶

以上集賢殿大學士王旦二首

冉耕

聖門達者德行爲先洙泗來學顏閔差肩天封
展禮公衮褒賢生則命寡歿而道宣

冉雍

不佞之仁具體之賢登彼高輿用之山川代逢
偃革禮畢升禮錫以三壤賁茲九泉

以上禮部尚書王欽若二首

宰予

倬彼宰予服膺宣父學洞堂與名揚鄒魯再期
設問五常垂矩遇我慶成增封茅土

端木賜

賜之望回獨云知一器稱瑚璉在禮斯貴服
道撰師名垂萬世公爵追崇時追肆類

以上尚書左丞馮拯二首

舟求

謙謙令德少著嘉聞敏於從政治以斯文垂鴻
報本道遇明君永錫徽稱載是清芬

仲由

猗歟魯哲義勇無儔獨立不懼從政惟優欽屬
仁聖勤封介丘褒賢進號載顯英猷

以上尚書左丞陳堯叟一首

言偃

魯堂登科親與將聖武城之小可以觀政澹臺
之舉行不由徑追建上公素風逾盛

卜商

詩動天地起予者商溫柔立教文學升堂雅頌
得所治亂攸彰慶成嘉贈其道彌芳

以上工部侍郎趙安仁一首

曾參

孝乎惟孝曾子稱焉唐虞比德洙泗推賢服膺
授首終身拳拳封巒飾贈永耀青編

顓孫師

堂堂張也商德與鄰尊賢容眾崇德依仁人
趨函丈退而書紳升中優贈道與名新

以上尚書左僕射張齊賢一首

澹臺滅明

不由徑行其直可貴不私見人其公可畏
擊蛟既勇毀壁且義紀號益封旌厥賢士

宓不齊

天生良材為魯君子堂上琴作邑中民治伍
人致逸受教成美展禮崇賢疏封有燁

以上戶部尚書溫仲舒一首

原憲

賢哉子思介然清淨貧惟固學道乃非病衣冠
忘敝草澤遂性升中進秩垂芬尤盛

公冶長

德行貞純公治孰倫本非其罪枉拘厥身魯
堂推善孔門配姻俾侯之貴久而彌新

以上行尚書右丞向敏中一首

南宮縚

南宮君子尚德聖門有道不廢危行孫言白
圭三復執慎思存慶成旌善昨壤佳藩

公皙哀

賢哉季次履潔居貞卷懷不仕家臣是輕素
王攸嘆式昭冷名封巒均慶侯社疏榮

以上刑部尚書寇準一首

曾點

侍坐曾堂各言其志舍瑟而舞 舞雩咏歌道義遇我慶成錫進位

顏無繇

素王將聖實為我師顏子殆庶趨庭學詩請 車無媿陋巷安卑追榮侯服逢此上儀

以上給事中丁謂二一首

商瞿

易之為書窮理盡性瞿也親受抗心希聖韋編 靡釋素風允競展禮封侯千載暉映

高柴

狗斂子羔孝心篤矣慎終街恤未嘗見齒難能 而能君子知己考古褒崇於斯為美

以上翰林學士晁迥二一首

漆雕開

闕里之堂邈矣難造狗斂子若實觀其與學 優當仕非乃攸好明祀益封式稽古道

以上翰林學士李宗諤一首

司馬耕

仁遠乎哉其言也訥虛德實歸耽思旁訊違 難迷邦矣虞悔吝疏爵丁辰寵名以峻

樊須

學優乃仕齒于家陪戒車為右誓眾靡回質疑 辯問仁智既該建侯追榮垂裕方來

以上兵部員外郎楊億二一首

公西赤

翊聖賢者徂徠之英謙言小相終成大名立 朝儒雅出使光榮佐佑禮法諸侯作程

以上行御史中丞王嗣宗一首

巫馬施

英英子施受天和氣名登曾堂位沉周季猶 勤戴星庇民為治讓德進封垂芳永世

陳亢

於美子禽服膺尼父問一得三垂訓千古名由 實賔德以位序通屬封巒爵崇介土

以上吏部侍郎趙昌言二一首

梁鱣

玄聖舊邦森然精爽於惟子魚式瞻遺像紀號 倬靈侯封錫壤儒道有光百王所仰

顏辛

增封雲嶺詔躡曾堂顯允君志令儀有章英傑 如挹德音不忘橫亘千古涼風載揚

以上戶部員外郎周起二一首

冉孺

聖人之道一以貫之允矣子魯堂與斯窺惟帝登祀山克陳上儀追封侯社沂水之湄

冉季

冉子挺生鍾是純粹游聖之門切磨道義時邁升中禮成肆類錫壤諸城式昭遺懿

以上戶部郎中李維二一首

伯虔

肅肅魯堂先先關里伯氏達者克肖夫子運偶慶成禮崇追美後學式瞻高山仰止

公孫龍

子石鉅賢探微博古稟粹荆衡從師鄒魯今聞不已儀刑斯都展義疏封遂荒故土

以上比部員外郎王曾二一首

漆雕哆

關里稱賢哆也其一學以適道名參入室昔為達者今逢聖日俾侯濮陽膺茲寵秩

顏高

魯國諸生顏氏為盛達者升堂是以希聖龍章載加侯服輝映名著遺編人師往行

以上戶部郎中戚綸二一首

漆雕徒父

受教聖人服勤墳籍如彼時術故能日益元封慶成介圭追錫圖形繪素鏤美金石

壤駟赤

猗歟壤駟信而好古驅駕咸秦振衣鄒魯言必成文動不踰矩成禮介丘追榮社土

以上工部郎中陳彭年二一首

商澤

子季從師服舊儒雅關里垂名同於達者昔寵睢陽今旌鄒野運偶登封荐臻純嘏

以上主客郎中刁衍一首

石作蜀

宣尼日月無得而踰粵有哲士嘗為學徒登封偶聖至德崇儒以地進爵斯文迺殊

任不齊

荆衡誕粹賢生其中服膺數仞誠明感通地適長坂爵嘉素風虔遵祀典列在儒宮

以上陳充二一首

申根

洙泗之秀橫經曾堂名亞士哲道尊五常時巡駐蹕關里增光封侯錫命永代流芳

公良孺

子幼真賢從師宣父服膺大猷配享終古運屬聖神時巡鄒魯五等疏封三編式敘

以上行右司諫張知白一首

奚容蒧

雍容子哲服勤儒墨關里橫經曾堂師德昔從游聘今逢檢勅皇錫信圭洙泗改名

以上兵部員外郎楊紳一首

句井疆

衛之君子達者比肩服勤鼓篋學慕韋編升中置慶儒術攸先徹侯疏爵關里之賢

申黨

倚歟子周龜蒙垂裕昔參八九今逢三暮淄川錫壤儒風載路檢玉旌賢昭我王度

以上刑部員外郎查道二首

公祖句茲

子之生曾從師尼父恂恂關里我我章甫非聖勿言惟道是與千古而下俾侯齊士

榮旂

聖人之明學者旆旆彼美乎祺行修志淳異端茲害微言服勤格于我宋侯封是新

以上祠部員外郎梅詢一首

縣成

異能之士孔徒寔繁悅服至德祖述微言富稟天爵遊乎聖門追崇之典昨以侯藩

以上祠部員外郎石中立一首

燕伋

八九之徒俱傳大義賢哉子思道本無愧鍾靈咸鎬浴德洙泗增封沂源皇澤斯被

鄭國

懿彼子徒挺生關里日遊聖門躬授微旨德音孔昭令聞不已疏爵胸山式旌遺美

以上行太常博士陳知微二首

秦非

七十之賢皆傳聖道彼美子之學臻堂與珍席圭璋儒宮黼藻列爵華亨令名長保

施之常

懿彼施常學深儒雅魯國上賢孔堂達者跡晦名彰德高言寡侯封是邦昭錫純嘏

以上太常博士王隨二首

顏噲

回也庶幾諸顏近之洙泗受業汶上從師輔翊儒道經營德基俾侯于濟君子攸宜

步叔乘

聖人之門子車服勤學以時習道宜日新數仍爰處函丈是新追封遺烈旌美儒臣

以上太常博士張象中二首

顏之僕

洙水悠悠子叔優優及肩等賜升堂並由元后時邁禮成介丘旌此達者爵為列侯

以上行太常博士崔遵度一首

叔仲會

斯文有宗吾道不窮執筆迭侍惟賢比崇必成習貫函丈順風東巡駐蹕霈澤儒宮

顏何

木鐸興教英賢輔翼猗歟于冉恢張文德孝悌承風詩禮是則千載丁辰始開侯國

以上太常博士劉錯二首

狄黑

矯矯子哲來學有方依仁游藝攝齊升堂羽儀先聖物色上厓林慮錫壤百世之光

邽巽

展矣子斂孔門高第模範將聖博約六藝斯謂達者顯於當世追封列侯流芳永裔

以上行太常博士姜嶼二首

孔忠

賢哉先生聖師夫子道貴希聖聞斯行已闕里服膺國庠從祀載享侯封式昭德美

以上太常博士王隨一首

有若

人稟秀德氣貌或同而子儼然溫溫其容兩端發問未啟幾鋒以禮節和斯言可宗

以上行御史中丞王嗣宗一首

秦冉

惟聖享天陟于神房惟帝遵道升茲魯堂允矣君子宛兮清揚式賁先烈錫諸衮章

以上行右諫議大夫錢惟演一首

曹卹 三千孔徒七十賢者子循服道聖門之下笙簧
經籍輔翼儒雅爵為蔡侯名器匪假
以上兵部員外郎楊紳一首

秦祖 秦有平南贊贊述作守道之淵成德之博範若
鑄金契猶發藥歷世明祀少梁寵爵
以上行右諫議大夫錢惟演一首

左人郢 伯彼臨淄江行稱賢晞蹤十哲秀穎三千心
悅誠服家至戶傳樂只君子文聲益宣
以上祠部員外石中立一首

公西與 鍾美齊疆從師魯國展矣斯人道臻聖域禮
墨金繩慶敷文德荐享侯封永光廟食
以上集賢騎都尉范睢一首

公西蒧 魯多學者服勤遊聖祝羸惟肖蒧也成性綽
有餘裕是亦為政追侯于徐用均天慶

以上太常寺丞劉筠一首

琴牟 反魯之始從師去里不試故藝善言曰彼絕非義
罷帛崇仁為美銘獄益封用旌君子
以上太常寺丞宋綬一首

廷臣分撰先儒贊

左丘明 倚歟左氏聞道素王依經作傳微旨用彰詞
有餘韻人希末光慶封錫壤廣魯之疆
給事中丁謂一首

公羊高 高也解經辨惑咸服學官所傳齊名左轂追
獎肇封宸心九屬闕典彌縫斯文載郁
翰林學士晁迥一首

穀梁赤 仲尼修經感麟絕筆赤也發揮奧義斯出立
學名家道隆盛日列爵疏封式崇儒術

翰林學士李宗諤一首

伏勝 伏生明經為秦博士祖習微言流離老齒壁藏其文口授厥旨建號旌儒錫封仁里

兵部員外郎楊億一首

高堂生 秦曆告窮炎靈啟祚篤生令人允貞王度名教斯宗禮文有素勒封告成式昭餘裕

戶部員外郎周起一首

毛萇 孔徒受業商也言詩研精訓詁誰其嗣之毛公興學求代師資疏封錫命禮洽禎期

比部員外郎王曾一首

孔安國 顯顯臨淮聖人之系訓傳遺文克示永世繪像廟庭華章善繼東巡受封是為褒異

行右諫議大夫錢惟演一首

杜子春 三川一室英靈所鍾學窮周制譽滿儒宗杏壇闕里差有比踪命作伯慶我天封

刑部員外郎查道一首

徽宗御製宣聖贊 厥初生民自天有造百世之師立人之道有藝有倫垂世立教爰集大成千古允蹈乃嚴斯所乃瞻斯宮瞻彼德容云孰不崇

高宗御製宣聖贊 大哉宣王斯文在茲帝王之式古今之師志則春秋道由忠恕賢於堯舜日月共喻惟時載雍載此武功肅昭盛儀海寓

理宗御製宣聖贊 聖哉尼父秉德在躬歷聘列國道大莫容六藝既作文教書崇古今

日月萬代所宗

米芾孔子贊 孔子孔子大哉孔子孔子以前既無孔子孔子以後更無孔子孔子孔子大哉

郭文

孔子

前人聖檜贊

煒東皇養白日御元氣昭道一動化機此檜植矯龍性挺雄質二千年敵金石

紉浴亂如一夕百代下蔭圭璧

蘇軾孔北海贊并序

文舉以英偉冠世之資師表海內意所予奪天下從之此人中龍也而曹操陰賊險狠特鬼域之雄者耳其勢決不兩立非公誅曹則曹害公此理之常而前史乃謂公負其高氣志在靖難而才疎意廣訖無成功此蓋當時奴婢小人論公之語公之無成天也使天未欲亡漢公誅曹若殺狐兔何足道哉世之稱人豪者才氣各有高卑然皆以臨難不懼談笑就死為雄操以病亡子孫滿前而呻吟涕泣留連妾婦分香賣履區區處衣物平生奸偽死見真性世以成敗論人物故操得在英雄之列而公見謂才疎意廣豈不悲哉操平生畏劉備而備以公知天下有已為喜天若胙漢公使

備備誅曹無難也予讀公所作楊四公贊歎曰方操室公復有魯國一男子慨然爭之公庶幾不死乃作孔北海贊曰晉有羯奴盜賊之靡欺孤如操又羯所恥我書春秋與齊豹齒文舉在天雖亡不死我宗若人尚友干祀視公如龍視操如鬼

尹復秦孔子小影贊

夫子之像其初孰傳得於其家幾二千年仰聖人之容色瞻古道如神其德如天則自生民以來未有如夫子無得而名者

元元明善手植檜聖像贊

乙丑冬十一月拜林廟還為宣聖顏孟十哲像且以文楷為龍像出于手檜為難其得於煨燼之餘又為難合是二難宜為儒家世寶乃百拜而為贊云一體則微理則全望之儼然就乏温然見其參於前手所植焉形所寓焉斂之管窺

浩浩其天是倚以為甘棠之賢耶抑與夏鼎殷盤而傳也

甄曩佳台謁廟贊於戲天地吾知其至大也料數莫逃乎管圭江河吾知其至廣也流

游不過乎航葦吾夫子之德出乎其類拔乎其萃自生民以來未之有也不江不河潤則有餘非日非月

光無不及微天子則不知其所以始微天子則不知其所以終儀範百王憲章後世祀典常奉歷代有之

孔木茂密子孫保之釋奠廟貌神其歆之

趙伯善撰祭酒孔璟夫贊德容渾涵今丰神秀整才學內弘今文詞外騁爵世

上公今歷敷臺省瀛洲辟雍今斯文主領勇退歸來今尚華晚景歿而不朽今名垂久永丹青莫狀今靈臺炯炯於以仰聖人之後今彷彿又得見乎小影

皇明

湘王尼山贊尼山巖巖曾邦是瞻降靈自母孕聖歸兗既驗以形遂徵以名一誠感格萬古文明

北地李夢陽夫子贊鳳鳥不至人莫之知行廢知命獲麟竟悲已訛道信萬世攸師願學謂河小子敬思

天水胡纘宗夫子贊一以貫之金聲玉振是謂大成賢於堯舜教在六經道該群聖

生民以來未有其盛

五十八代孫公璜顏母山贊厥初顏氏飽天地春毓鍾至聖卓冠群倫有光前列垂裕後昆惟木與水探本尋源并列寒泉廟閑白雲千秋萬禩永格明禮

廬陵陳鳳梧聖賢道統贊

孔子道冠古今德配天地刪述六經垂憲萬世統承義皇源啟洙泗報功報德百王崇祀

陽里志

卷之十一

五

郭文

顏子

天稟純粹，一元之春精，金美玉和，風慶雲博，文約禮超，入聖門，百王治法，萬世歸仁。

曾子

守約以博，學恕以思，聖門之傳，獨得其宗，一貫之旨，三省之功，格致誠正，萬世所崇。

子思子

精一之傳，誠明之學，聖門嫡派，斯道有托，發育洋洋，鳶飛魚躍，慎獨之訓，示我先覺。

孟子

哲人既萎，亞聖斯作，距詖闢邪，正論諤諤，堯舜之性，仁義之學，烈日秋霜，泰山喬嶽。

附太史公世家贊

曰：詩有之，高山仰止，景行行止，雖不能至，然心嚮往之。余讀孔氏書，想見其為人，適曾觀仲尼廟堂車服禮器諸生以時習禮，其家余低回留之，不能去。云：天下君王至于賢人，眾矣，當時則榮，沒則已。馬孔子布衣，傳十餘世，學者宗之，自天子侯王，中國言六藝者，折衷于夫子，可謂至聖矣。一按史記，孔子世家詳載其言之矣。此志編年紀事業，已備載，故不重刻，故錄此者，謂足以祖百家之贊辭云。

銘辯

唐韋表微麟臺碑銘

夫聖人作，然後王道明，王道明，然後瑞應至，靈貺感通，理合莫

數昔殷道，剝喪民罔攸歸，於是文王以有位之聖，嗣成湯之德，神人咸乂，故鳳鳴於岐，洎周德陵遲，道廢所屬，由是仲尼以無位之聖，述文武之法，憲章聿修，故麟見於魯，於時王室無主，禮法盡去，天子之尊存乎位，號周公之封用，四代之禮樂，淳風故典，鬱而未發，仲尼以天縱之德，生乎其中，居周公之邦，志文武之道，觀興廢之運，知作者在已，位不得以庇生民，權不得以司刑賞，是天將喪斯民也，而未喪斯文也，迺綴絕緒，申舊章，變其禮文，酌為典憲，挈五常之龜鑑，正二綱之軌轍，帝王之道，迷而復明，盛德大業，於是乎在天，錫嘉瑞，光昭厥功，故周敬魯衰，不得而有也，由此觀之，蓋春秋為王法之器，魯國為王法所寄，在其所寄，以舉其器，鼓仁義為舟，航權衰，貶為篙楫，乘橫流之波，濟天下之溺，上無效國之輔，下無陪臣之

關里詩

卷之十一

三

三六

助故道不倍於天下而信於世者不著於當時而著於後代向使仲尼有滕薛之土得三家之眾與我王澤霈及蓋民則麟出其郊得其所矣豈復厄於虞人哉故麟不見則孔子之道不彰麟不死則周室之亂不極嗚呼聖人之生也得其時則化行乎江漢不得其時則道屈於季孟靈瑞之出也得其時則名薦於郊廟不得其時則身罹於賤夫是聖人能順時以濟人不能反時以自聖靈瑞能因時以感應不能反時以自靈被厄於陳蔡獲麟於大野影響之應其符著矣春秋傳曰有以告者曰有麋而一角者何孔子曰孰為來哉夫豈不知乎蓋殺之而不敢故示人以疑之也元和五年冬十一月表微以滑之從事使乎鄆陽停驂訪古經獲麟之舊塚且曰後之人築臺於此以旌厥路感先聖之不偶俾麟出而非時徘徊周道迺作銘曰一二儀既闕三象乃垂聖道堙鬱人心不開上無文武下有定哀吁嗟麟兮孰為來哉周雖不綱孔寔嗣聖詩書載刪禮樂大定懲惡勸善反邪歸正吁嗟麟兮克昭符命聖與時合化行道尊苟或垂

戾身窮道存於昭豐邑栖遑孔門吁嗟麟兮孰知其昏運極數沒德至時否楚國寢庸秦封益後牆初迫阨崎嶇闕里吁嗟麟兮靡有攸止世治則麟世亂則麋出非其時麋鹿同群孔不自聖麟不自神吁嗟麟兮夫復何云

宋王禹偁魯壁銘

在天成象壁星主文聖人藏書所

故交之以泰日月不可以久晦又繼之以明文籍不可以久廢亦受之以興我夫子當周之衰則否屬魯之亂則晦及秦之暴則廢漢之王則興其廢也賴斯壁而歲之其興也自斯壁而發之矧乎三墳言大道也述於君則堯舜禹湯文武之業備矣述於臣則臯夔稷契伊呂之功盡矣濟乎世則六府修矣化乎人則五教立矣向使不藏魯壁盡委秦坑燬飛聖言灰竭帝道則後之為君者不聞堯舜禪讓之德禹湯征伐之功文武憲章之典將欲為民不亦難乎後之為臣者又不聞臯之述九德虞之諧八音稷之播百

穀契之遜五品伊之翊贊呂之征伐復欲致君不亦
 難乎世不知六府則無火食之人有并服之衆與夷
 狄攸同矣人不知五教則忘父子之慈孝兄弟之友
 恭與鳥獸無別矣欲見熙熙之國政平平之王道不
 亦遠乎嗚呼金有籙玉有積防之以關鍵固之以緘
 勝人必有竊而求之者蓋重利也斯壁截君臣之道
 父子之教人無求而行之者蓋輕義也天恐壞斯壁
 毀斯文命共王以壞之伏生以誦之使天下皎然知
 上古之道其大矣哉一銘曰據山高兮為秦城鑿池
 深兮為秦坑城之高兮胡先壞池之深兮胡先平伊
 斯壁兮藏家書歷秦亂兮猶不傾壞之者共王誦之
 者伏生發典謨訓誥之義振金石絲竹之聲如天地
 今否而復泰如日月兮晦而復明秦之焚兮未盡我
 不為燼秦之坑兮未得爾滅其國江海涸竭乾坤傾
 側唯斯文兮用之不息

石介撰道輔擊蛇笏銘

天地至大有邪氣干於其間
 為兇暴為殘賊聽其肆行如

天地卵育之而莫禦也人生最靈或異類出於其表
 為妖怪信其異端如人蔽覆之而莫露也祥符某年
 寧州天慶觀真武像下有蛇妖極怪異郡刺史日兩
 至於其庭朝焉人以為龍舉州之人內外遠近罔不
 駿奔於門以觀恭莊肅祇無敢怠者今龍圖待制孔
 公時佐幕在是邦亦隨郡刺史於其庭公曰明則有
 禮樂幽則有鬼神是蛇不亦誣乎惑吾民亂吾俗殺
 無赦以手枝擊其首遂斃於前則無異焉郡刺史洎
 州內外遠近庶民昭然若發蒙見青天觀白日故不
 能肆其凶殘而成其妖惑易曰是故知鬼神之情狀
 公之謂乎夫天地間有純剛至正之氣或鍾於物或
 鍾於人人有死物有盡此氣不滅烈烈然彌亘億萬
 世而長在在堯時為指佞草在魯為孔子誅少正卯
 亦在齊為太史簡在晉為董史筆在漢武帝朝為東
 方朔載在成帝朝為朱雲劍在東漢為張綱輪在唐
 為韓愈論佛骨表逐鯉魚文為段太尉擊朱泚笏今
 為公擊蛇笏故佞人去堯德聰多正卯戮泚法舉罪
 趙盾晉人懼辟崔子齊刑明趙重偃抗張禹劾梁冀

漢室又佛老微聖德行鱷魚徒潮患息朱泚傷唐朝
 振恠蛇死妖氣散意天地鍾純剛至正之氣在公之
 笏豈徒斃一蛇而已軒陛之下有罔上欺君先意順
 旨者公以此笏指之廟堂之上有蔽賢蒙惡違法亂
 緒者公以此笏麾之朝廷之內有諛容佞色附邪背
 正者公以此笏擊之夫如是則軒陛之下不仁者去
 廟堂之上無邪臣朝廷之內無佞人則笏之功也豈
 止任一蛇公以笏為在笏得公而用公方為朝廷正
 人笏方為公之良器敢稱德於公作笏銘曰至正之
 氣天地則有人惟靈物笏乃能受笏之為物純剛正
 直公惟正人公乃能得笏之在公能破妖淫公之在
 朝讒人乃消靈氣未竭斯笏不折正道未亡斯笏不
 藏惟公寶之烈烈其光

金高德齋杏壇銘

周室下衰王綱解紐非大聖人狂
 蕪世木舌金口三千之徒義由此受我瞻遺壇實為
 教首萬代護持天長地久

元張頌聖槍銘

茲槍之幹高參于天茲槍之根深及
 于泉是為手植自古有傳去聖伊何
 日歲二千氣芬而遠色殷而堅誰謂崑崙良玉以瘳
 誰謂斧斨美茹以連嘉種載衍有芽其卷茁乎甍間
 東廡之偏乃徙故處全其天然孔氏以興矢言有焉
 粵若二祀葱蔥芊芊聖道以續聖澤以全肫肫其仁
 淵淵其淵自今以始千億萬年

皇明李東陽詩禮堂銘

惟孔有庭聖訓攸在父立子過
 其徒是賴其訓維何維詩及禮
 手所刪定教自家始聖不可作庭名固存萬世是師
 矧惟子孫有齋延賓金所駐蹕彼夷則然矧我中國
 新廟既闢新堂亦遷有來繩繩世守勿愆

金絲堂銘

惟孔有宅曰惟聖門魯共何人欲壞更存
 維壁有書四代之文維堂有聲八音是聞
 此事茫昧書則真有有堂載新其固其舊聞樂知德
 斯言已以金絲在焉名不可朽音堂在東今堂在西

欲究厥初視我銘詩

宋羅璧孔子師老聃辯

古今聖賢獨推老子甚至假設孔子言語譽之後來漢儒輯禮記承其言曰聞諸老聃司馬遷史記老子傳復增許多老子訓誨孔子言語孔鮒作家語著孔子事實因據以為證由是堅後學之信不知莊子下書多駕空寓言時去孔子未遠知天下不崇信其學故托時所最重者尊其師庶幾聃之道益隆此莊子抑孔子尊老子之迹也後儒不察禮記家語史記出莊子後見孔子萬世師表不應禮樂無所自乘而問禮老子一語又備見諸書莫詳始自莊子不知老子之教主於清淨無為其著書厭薄禮學曰禮者忠信之薄亂之首也莊子傳其後從而有所剖斗折衡推提仁義焚符破璽絕聖棄知等論則聃又何禮之可問耶太史公謂道家以虛無為本因循為用有法無法有度無度故後之尊老莊者蕩棄禮法蓬首垢面喪

酒吊肉晉人可證也豈有以禮訓孔子而勸其徒則異是耶孔子於人之善若管仲之仁子產之惠皆亟稱不暇豈有聃其師而故沒之耶此為莊子寓言無疑余嘗謂孔子師表孟推夫周公彼其夢想猶冀見之孟子去孔子甚近且曾思之傳最的誦孔子派接不過文武周公使孔子果師聃曾思何不言之老子之道莊子述而傳之足矣何必假孔子之言明之此其借孔子之師可見也後之衛道者多為孔子分說未以寓言及尊師之意照破莊子之妄耳若孔子師聃之事莊子外篇著聃為周蔽史蔽皮書所或者聃所職多書孔子因問聃焉容或有此理不然魯論何無一語及聃而聃之理何不盡傳其徒而甘為棄名檢蕩禮教之罪人耶東坡嘗謂莊子雖譏孔子實尊孔子書未敘百家之學與曰譬如耳目鼻口各有所明而不能相通故墨翟朱鉞禽滑釐尹文彭蒙田駢慎到闕尹老聃以至莊周皆列敘名之至鄒魯之士縉紳先生其在詩書禮樂多能明之則推而不敢斥此又可見莊子前之推老聃者借孔子也

洪邁有若辯 史記有若傳云孔子沒弟子以若狀似
行使弟子持雨具已而果雨弟子問何以知之夫子當
日詩不云乎月離于畢俾滂沱矣昨暮月不宿畢乎
他日月宿畢竟不雨商瞿年長無子孔子曰瞿年四
十後當有五丈夫子已而果然敢問何以知此有若
無以應弟子起曰有子避之此非子之座也予謂此
兩事殆近於星曆卜祝之學何足以為聖人而謂孔
子言之乎有若不能知何所加損而弟子遽以斥退
之乎孟子稱子夏子張子游以有若似聖人欲以所
事孔子事之曾子不可但言江漢秋陽不可尚而已
未嘗深詆也論語記諸善言以有子之言為第一章
在曾子之前使有避座之事弟子肯如是乎檀弓載
有子聞曾子喪欲速貧死欲速朽兩語以為非君子
之言又以為夫子有為言之子游曰甚哉有子之言
似天子也則其為門弟子所敬久矣太史公之書於
是為失矣且門人所傳者道也豈應以狀貌之似而
師之也世所圖七十二賢畫像其畫有若遂與孔子

略等此又可笑也

元羅泌窮桑辯

空桑在陳窮桑在西歸藏啟事云空
桑之蒼蒼八極之既張乃有羲和是
主日月職出入以為晦明蓋指岫夷之地故記孔子
生於空桑春秋演孔圖云徵在游於太家之陂慶黑
帝謂已汝產必於窮桑而干寶所記徵在生子空桑
之地今名孔竇在魯南山之穴孔廟禮器碑云顏育
空桑空桑魯北孔子魯人故說者指云空桑既而言
之魯南山穴之說正自辰矣乃若共工氏之振滔瀾
水以薄空桑則為華陝之間伊尹華人故呂氏春秋
古史攷等俱言尹產空桑故城在今陳留空桑固非
魯也故地記言空桑南杞而北陳留各三十里有伊
尹村而所謂窮桑則非是矣拾遺記言窮桑者西海
之濱也地有孤桑千尋蓋在西垂少昊之居梁雖之
域故周書嘗麥云帝命蚩尤守于小顛而遠游章句
西皇所居西海之津西皇者少昊之稱而小顛者少
昊之正字也宜為咸陽故咸陽曰雲陽而少昊一日

雲陽氏雲陽縣今隸耀州甘泉宮即武帝之太時顯
項繼少昊也故世紀顯項亦自窮桑遷商其事可知
矣而杜預遽以窮桑為在魯北至釋例地名乃云地
闕故穎達云言魯北者相傳言爾蓋以定四年傳封
伯禽於少昊之墟逆之而樂史之所記乃在曲阜此
又因預而妄之也太昊在東少昊在西予既言之捨
遺遠遊窮桑既在西極則魯曲阜之說得非太昊之
墟乎郡國志云少昊自窮桑登帝位非空桑也

皇明宋濂孔子生卒年月辯

或有問於濂者曰孔子之

生傳記所載歲月不同公
羊氏云魯襄公二十一年冬十有一月庚子孔子生
穀梁氏之說年之與日同於公羊而謂冬十月孔子
生則與公羊實差一月月固差矣至賈逵註二十一
年經云此年仲尼生昭公二十四年服虔載賈逵語
云仲尼時年三十五則皆以孔子為二十一年生也
司馬遷著孔子世家云孔子生於襄公二十二年則
與公羊穀梁實差一歲月則雖與公羊同而月復與
穀梁異杜預主司馬遷以註左氏傳謂二十一年生

司馬貞主公羊穀梁以證史記謂二十一年生遷誤
為二十二年者蓋以周正十一月屬之明年也孔若
古主公羊穀梁謂為不易之論胡舜陟主司馬遷謂
如穀梁公羊所書則孔子出處之年與經史諸子皆
不合孔宗翰亦主司馬遷羅泌之議略與宗翰同洪
興祖主穀梁而謂周家改月十月二十一日庚子即
夏之八月二十一日馮去疾見傳記異辭則造為調
人之言曰襄公二十一年實巳酉之歲也是歲八月
置閏以曆法積之則大雪節當在十月十七日或十
八日是為十一月朔氣又三四日方為庚子是孔子
之生巳在十一月之節矣既在十一月則是二十二
年庚戌歲首無疑公羊書為十一月似誤而非誤也
司馬遷書為二十二年而又謂孔子之年七十二以
卒亦未嘗誤也穀梁於年於月皆據實而書公羊於
年亦據實而書於月則以節書謂有日可以表見也
司馬遷於年則以節書總而論之三者皆非誤也若
是衆言之不齊果各有見乎濂應之曰公羊穀梁二
氏稟傳經之家也夫傳經之家必不苟且草率以徒

文具當有講師以次相授且公羊穀梁其世代去孔子時又為其甚近以故考圖按跡其言必有所據依司馬遷固古今良史則其時又後于穀梁公羊二百有餘歲矣故其圖缺跡遠言則無徵乎爾即是而知孔子所生之年吾當從公羊氏穀梁氏為的然以春秋長曆考之二十一年巳酉十月無庚子庚子乃在十月之二十一日特交十一月節孔子所生之月吾正當從穀梁氏也且註家謂巳酉為巳卯卯酉之文相近意或誤書未可知也曰孔子周流諸國之年世家所紀多可于考據宋之大儒博文該識者多或取之若如子言無不遲一歲者遷尚不足信乎曰衛靈公之時孔子適衛又適陳匡人以為楊虎而拘之世家謂孔子使從者為甯武臣于衛然後得解圍而去按武子仕於成公之朝至穆公末武子之子相巳與孫良夫將兵侵齊當是時則武子年巳耄矣復歷定獻二公凡三十七年至靈公三十八年其數共七十有五年而孔子至衛使武子猶在其年將一百五十有餘歲矣武子之事然也孔子之年乃獨

可信乎非惟此也孔子去魯世家謂定公十四年年表則又謂十二年以年表為是則世家為非以世家為是則年表為非一書之中自相矛盾若此他蓋不足深論皇王太紀曰遷載孔子言行不得其真者尤多夫言行且不得真者居多而況于年乎曰洪興祖謂周之十月即夏之八月者然乎曰非也三代雖異建而月則未嘗改也殷嘗建丑矣書則曰惟元祀十有一月漢嘗建亥矣史則曰元年冬十月舉前後以例之則周制可知孔子作春秋行夏之時為萬世法不過截于丑二月于前歲之終耳月固不足改也不則春入于夏夏入于秋錯亂而不成歲矣曰馮去疾謂十月庚子在大雪後即為十一月者可乎曰亦非也世之星史曆生以六物占人休祥當氣會之交固有生於巳酉而以庚戌歲推之者孰云吾儒乃有是耶此野人之語舍之勿以汗齒牙可也曰孔子之生予既聞命矣其卒之時亦有一定之說乎曰左氏云魯哀公十六年夏四月巳丑孔丘卒司馬遷遵之諸儒又從而遵之理之所在孰得而違之故孔子所卒

之年吾當從_{乙丑}然十六年乃壬戌之歲也是歲四月戊申朔有_{乙丑}而無_{巳丑}乃在五月之十二日巳與_{乙丑}亦相近故誤書也所謂_{乙丑}則四月十八日謂當夏正二月十八日者非也謂十六年為辛酉巳丑日為戊戌者亦非也自壬戌歲上溯_{巳酉}孔子之年乃七十四謂七十三尤非也曰近代王應麟博極群書者也頗致疑於是而謂今不可考矣子乃質言之何邪曰衆言紛淆者當折衷以經經無明載當索之於傳索之於傳不猶愈於史乎謂今不可考者過矣曰子之言辯則辯矣夏周二正千古難決之疑也何言之若易易耶曰是非爾所知也雖齟齬徠之松以為煤盡剡溪之藤以為楮未能竭吾喙也他日當為受春秋者詳焉

兵沉孔子封王辯

後世之禮有似是而實非者不可不察也且以追謚夫子為王言之

夫子聖人也生不得位沒而以南面之禮尊之其說似矣然王君之號也夫子人臣生非王爵死而謚之

可乎哉昔者夫子嘗有言曰必也正名乎又曰名不正則言不順臣而王之於名正乎於言順乎春秋之時有僭稱王者矣麟經之筆削而黜之蓋名者實之著也無其實有其名謂之淫名夫子之生也不獲有尺寸之土今而以有天下之號歸之在天之靈其肯歆之哉嗟夫有德者必有位理之常也有其德而無其位此則夫子之不幸也魯謂以無實之稱而足以為聖人榮乎哉或曰夫子之道王者之道也謂仲尼素王其來久矣至今封之而不可哉曰謂天子有王者之道則可謂天子有王者之號則不可昔者夫子病子路使門人為臣夫子責之曰久矣哉由之行詐也無臣而為有臣夫無臣不可以為有臣非王而可以稱王乎聖人不敢欺天也其可以欺聖人乎然則當若之何曰夫子之澤不被于當時而其教實垂于萬世褒之以王者之貴孰若事之以師之尊乎書曰天降下民作之君作之師古者治教之職不分君即師也師即君也一帝二王盡君師之責者也若夫子則不得為君而為師者也師也者君之所不得而臣

也故曰雖詔於天子無北面所以尊師也彼以王爵之貴為隆於稱師者習俗之見也考之經載當時聖人高弟子稱其師有曰孔子有曰夫子其孫子思直字之曰仲尼蓋夫子既無爵謚則稱之者不曰仲尼必曰夫子觀其門人弟子之不_敢過號其師則知以無實之謚加於聖人必非聖人之意也天下之論每病於徇同惡異而不本乎至公至當之理談夫子之封王則必相與咻之以為誇大矣謂夫子不當封王則必相與咻之以為狂悖矣吁此所以行之數百年之久而未敢議其非者彼之不敢議必曰我畏聖人也此非畏聖人也畏天下之罪已也若余之說則雖得罪于天下不憾也懼得罪于聖人而已曰請問今將何以尊聖人曰在明其道不在乎王不王

辭賦

宋鮮于侁告孔子廟辭

曲阜今遺墟先師今闕里神廟

窮天地兮一人揭日月而照臨生無萬乘之位兮三千之徒心服而四來嗟愚陋之不明兮乃商賜之為疑羞紛紛其妄作兮悖道違義而弗自知顧六藝之折衷兮取舍縱橫而協于道後世苟輕肆于胸臆兮必遽貶于詭病三綱立而五教明兮實治世之宏矩履厚地而戴高天兮胡一日之可捨宜萬世之廟貌今春秋不乏其時祀合仁義以為冠兮結忠信而為佩集道德以為裳兮服文章而為帶列籩豆為左右兮蘋藻牲牢而潔肥醑玉醴以為酒兮錯瓊瑤而為梁升堂而北面兮望冕旒之巍巍惟神明之降鑒兮洞精神其來歎

皇明李傑弔聖檜辭

弘治己未歲六月十六日闕里孔子廟災先聖手植檜燬焉京師士

大夫聞之，罔不驚愕。且曰：廟貌修復，我皇上崇儒右文，諒不容緩。但茲檜不可復得，惜哉！予考之志書，手植檜枯于晉，復榮于隋，又枯于唐，復榮于宋。元初紫陽楊奐與東遊記中云：金貞祐兵火焚燬，無復孑遺。好事者或為聖像，或為簪笏，而香氣特異。是則宋時復榮之檜至是，不復存矣。後八十一歲為至元三十一年，復生乎故處。教授張頌為銘，以識之。今所燬者，即此檜也。然則他日之復生，其可必也。夫為辭以吊之，曰：維茲之檜，今鬱乎參天。蒼蒼色屹立，今廟門之前。右枝符坤，今左餘象。乾膚文隱起，今一如糾纏迴柯。偃蹇兮蛟龍屈，盤蔽蔽日月兮。凌厲風煙，嘉種特異兮。材良孔堅，根蟠厚土兮。下入九泉，尼山培根兮。泗水滋源，鍾靈孕秀兮。餘二千載，是惟先聖之所手植兮。夫豈常木之可比肩，載枯載榮兮。凡幾生，意常存兮。不死日月光食兮。重明甲子數窮兮。復起嗟茲檜之被燬兮。元氣鬱而蘊精，迨靈雨之既零兮。萌蘖勃乎其奮興，惟聖道之光大兮。與天地而同久，奠茲檜之復生兮。歷萬年而不朽。

喬宇孔林辭

有引

正德庚午歲，宇以戶部左侍郎奉

命禱雨于山東境內山川道經曲阜瞻拜聖林感而賦此。一鬱鬱喬林上蔽空，今環抱數里靈秀叢。今於惟先聖歸故宮兮，千秋萬歲神遊其中兮。陰庇後人澤無窮兮，扶世立教伊誰之功兮。以上辭三首。

魏劉禎魯都賦

昔大庭氏肇建厥居，少昊受命亦都

揚暉於鴻崖，水精潛光乎雲穴。岱宗邈其層秀，干氣霧以高超。越其木則赤棟青松，文莖蕙棠洪榦百圍。高徑穹皇竹，則填彼山垠。咳彌阪城夏蕩，攢包勁條並殖。翠實離離，鳳凰攸食。水產衆夥，各有彝倫。類首莘尾，豐顛重斷，戴兵挾亦盤甲。曲鱗且觀，其時謝節移和族。綏宗招歡，合好肅戒。友朋蛾眉清眸，顏若雪霜。插曜日之珍筭，理明月之珠璫。舞人列整飾，容華和顏。揚眸盼風長歌，飄乎森發。身如轉波，尋虛騁迹。顧與節和，縱修袖以終曲。若奔星之赴河，及其素秋。二十七。天漢指隅，胥被袂國于水游。緹帷彌津，丹帳

覆洲盖如飛鶴如游魚應門巖巖朱扉令光路殿
歸其隆崇文陛獻其高曠聽迅雷於長徐若有聞而
復二其園囿苑沼駢田接連淶池分浪以帶石垠文
隅瓊岬華玉依津邦乃大狩振揚威教民即戎講
習興詩落幕包括連結營圍毛群殪殪羽族殲剥填
崎塞賦不可勝錄

唐王起宣尼宅聞金石賦

魯共王益宮於孔氏壞宅
於闕里聞金石絲竹之聲
有六律五音之美清冷始奏異洞庭之載張寂寞而
來非鈞天之可視或管或磬以禮以祀徒在廟而見
聽豈升堂而足擬當其攝齊而進拾級而前遠近猶
惑鏗鏘始傳式感王心聘國無勞乎七十克諧聖域
樞衣若化乎三千信不擊而不考實玄之而又玄惟
金也振春容而無闕惟竹也像吹嘘而未歇惜惜擊
石如荷蕢之初聞杳杳揮絲疑孺悲之來謁所以表
正聲之感所以同古樂之發遐想乎反魯之年追思
乎在齊之月迴環棟宇繚繞庭除惟恍惟惚如繹
如心方啟乃樂可依於固將極天而蟠地豈徒舞獸

而躍魚疾徐有則清濁不忒非審以知政非作以崇
德藏書之壁時繹繹而難分夢奠之楹乍洋洋而未
測響雜乎鴻鶴韻調乎宮羽絲管不形篋篋無觀固
可掩歌鐘於二四配莖英於三五及夫鏘爾樂闋油
然思深觀奧且驚夫盈耳廣居由是而革心豈不以
感上聖之旨聞至德之音哉而皇家始崇儒禮莫先
褒聖尊素王之號廣舊宅之敬儻逸韻之再聞播乎
樂府之盛

王嵩學孔子石硯賦

昔夫子有石硯焉邈觀器用宛
無雕鏤古石猶在今人尚傳從
歎鳳兮何世至獲麟兮幾年世歷近王近霸年止幾
徂幾遷任往迴於几席垂翰墨於韋編時亦遠矣物
仍在焉非聖人之休祐安得茲而不捐捐乎俗遠聖
賢教遺齊魯列廟以居先師攸主上煢煢以光澈下
羣羣以色固介爾貞堅確乎規矩昔諸侯立政周道
無聞嗟禮樂之仍缺嘆詩書而未分聖人乃啟以褒
貶垂以典墳必藉茲器用成斯文蓋石固而人往亦
事存乎硯云至方質圓形錮模龜首雕飾為用陶

甄可久橫彩烟不絕添綠水而常有豈如石馬斯
為不朽昔偶宣父厥容伊何旁積垂露中含偃波時
代遷移去游夏而彌遠日月逾邁變炎涼之已多別
有絳掖書生獻策東京柳垂先哲攻文後成叨秉筆
以當問愧含毫而頌聲

蔣凝壞宅得書賦

孔氏之居中哉古書當霸魯壞墮

繚垣時之潛矣定四科於竹簡世以傳諸當其漢偃
兵戈魯修宮掖將窮下國之侈遂去前賢之籍并吞
一畝方取地以崇居摧折兩楹遂得書於暗壁悲夫
其宅也人亡道窮削跡於中瓦墮而阼階缺裂塵飛
而環堵空濛鯉也必趨之庭將為輦路仲由未入之
室欲創離宮其書也藏書廢久坑儒之後蟲侵而鳥
跡微虧土蝕而韋編欲朽虞夏不刊之典出彼圯墁
殷周將喪之文存於培塿於是升彼堂兮棄諸簡焉
信遺宅兮必取寧古文今何傳將上樓臺刻榛蕪而
屹若俄聞金石扣寂寞以鏗然王乃凝思潛聽追踪

輟作存其宅兮不壞知其書兮可學悔墮古而榮今
庶立禮而盛樂門庭猶在存聖者之規模蟲篆難詳
是古人之質朴倚伏相推於焉有之不廣其居則斯
文永墮不聞其樂則往蹟全隳信乎君子所居亦廢
與而有數聖人大道當用舍而隨時今皇家修典墳
崇闕闕開儒館以待士設文教以濟國千秋萬歲知
此道之無窮四海九州信將來之有得

皇明長沙李東陽奎文閣賦

偉新廟兮既宮突高閣兮

灑滌兮爭龍從納沆瀣兮超鴻濛表日觀兮來天風
忽秋兮今始肅見奎星兮正中初徙倚兮檻前暫徘徊
徊兮戶外殿庭兮鬼戕與茲閣兮相對亭碑矗兮林
立壇屋隱兮如蓋昔金元兮始構幾歲序兮更代歎
軒楹兮煨燼紛瓦礫兮浮溢及輪奐兮鼎成藹冠裳
兮咸萃覽舊跡兮無餘撫孤根兮一檜吁嗟乎靡麗
兮娉婷彼齊雲兮落星懷望兮怔營或籌邊兮見京
夫豈若觀羨墻故宅誦典則兮遺經宛蛸蛸兮孔

壁恍金絲兮魯感春秋兮絕筆憶詩禮兮趨庭存
 奇文兮籀史脫膚談兮秦坑藉神鬼兮訶護闕山川
 今精英乃有韋編兮竹簡石墨兮溪藤汗牛充棟兮
 不可以數計又奚問兮何名幽并兮青兗殿宮墻兮
 在眼景行兮高山每為憾兮不淺金書兮玉節幸吾
 生兮未晚溯秋霄兮愈決恨夏日兮猶短仰聖道兮
 彌高思古風兮漸遠閱千載兮一時曾一慨兮不滿
 曉遺駕兮可攀尚頽波兮在挽噫噓噓靈有地兮傑
 有人賢有家兮國有賓下后土兮上高旻軼倒景兮
 離塵紛博典冊兮窮皇墳厲夕惕兮求朝聞豈徒析
 蟲魚兮隱義辨豕亥兮疑真誣雨粟兮天半降青藜
 今夜分蓋方舞干羽兮七旬徧絃歌兮八垠占聚緯
 今周鞞聽環橋兮成均殆將興兮吾道庶不朽兮斯
 文巍乎高哉勢不可以極茲閣之名兮並列宿而俱
 存

長沙李兆先述留賦

歲己未天降厄於斯文於是宜
 聖廟災燼爇所及有不忍言者

乃庚申八月雲陽李兆先歸其妹於關里遂獲瞻
 拜遺址捧心顰額酸楚者久之既而自慰以為宜聖
 在天之靈直以道崇為貴而

聖天子方步踵聖教以化天下是亦足矣不虞之變蓋
 亦天心仁愛之所寓而聖心之所同也若但以土偶
 木刻視宜聖是亦未矣雖然服聖教者寧能恣然于
 此乎乃述深悲製成短賦因以述留名之一其詞曰
 粵自遠古之世今兩儀混其鴻荒納元氣於橐籥兮
 杳莫究其行藏天軸下掣以不浮兮地樞拆而不抑
 以揚乃構元精之秘兮鍾至質於三皇及大塊之始
 闢兮群聖立乎人極世漸啟而禮樂作兮羗縷紛而
 黜析至姬周而大備兮麗繁星於白日用指迷以道
 旨兮名物煥其可識方尋繹之可守兮既又燬於秦
 燬后皇慘其紛亂兮乃震命乎尼靈篤降聖於遺周
 兮恍群醉而獨醒突若起而繼絕兮闢大道於周行
 眷彼青衿之學士兮方攀轅以遐征望前聖之滅迹
 兮獨吾孔謂之大成俟後聖之深期兮渺莫知其來
 之所從如窮谷之春兮如晦月之明如車之弊兮梁

木以為衡如洪濤之滔天兮尺箠驅之以東悲道搖
之歌既作兮哲人云萎昭治法于群經兮不傾以頽
歷帝系而莫之敢違兮咸取則而就矩身沒世而道
自在兮燭汗暗以停晷茲逢

皇明之繼統兮乃上矚乎奎光新遺金之華構兮竭意
匠於宮牆方傑製以雄瞻兮庶有所鼓企而不忘雖
道如水之無不在兮盍亦求之止息之故常何回祿
之不仁兮敢妄肆其荼毒豈彼蒼之罔聞兮抑指頤
而降酷過銀潢而不注兮豈灌沃之可撲肆衝突以
上征兮爍紅雲而旁燭驅長風以扇煽兮蕩千金干
倏忽悲棲神之肖像兮嗟復質于陶瓦絕神鬼之攝
訶兮欲肆力而莫假豈聖靈之不欲謂至樂兮非廣
厦或未學之多淫兮抑私淑者之昧寡將遐舉以超
往兮渺何如其為心遊旁求之未得兮何鑽仰之可
尋哭兩公于三日兮清涕黯其盈襟撤冠裳而無所
於設兮慨俎豆之莫陳擬修檜之亭碧兮實手澤之
所存何虐酷之重蒸兮與玉石而俱焚歷魏晉之枯
芟兮魯幾蕤而復新茲命脉之所鍾兮理無有乎終

中撫焦爛之故地兮洒予淚之浩臆凌凄風以興嘆
兮動予心之怵惕望若礙而不極兮行若有待而却
立吃予行之無故兮胡不及乎未災徒遊鶩於疇昔
今豈無入乎往來獨辨香之不予遂兮而茲行適際
其哀俯斷階而假寐兮若有夢乎其側觀光霽於仿
佛兮庶羨牆之有挹聆天申之警效兮憫螻蟻之誠
惻被九重之綸綰兮感玉音而增激信修復之不
可以後兮答輿情之慰悅返予魄而莫留兮曾不隔
乎瞬息沾繁霜而拂緼兮悵行岐之莫即罷長跪而
脫晤兮覺悲風其吹日求蠹食於遺經兮庶幾乎顏
面之可識

邑人李玉子貢廬墓堂賦

天孫之南泗河之游出魯
墟之北門見皆興之百堵

堅厚墉於四周羅上腴之平楚乃有蒼鬱茂密古木
千葦枝侵遠漢葉蔽驕陽野容兮索寞風色兮蕭森
周旅訝着於文囿楚客疑逢於鄧林門向見巖兮旁
達啟隧簷飛金碧兮上竦于霄駐碑立真宗之古碣

隔溪渡洙水之橋列壘壘之古塲兮憶九原於晉
 疆走逐之鹿豕兮儼東洛之北邙詰樵牧之僮豎
 兮然後天涯遊子始一而得議厥自周未文宣聖
 父馬鬣荒阡傳從振古鳥鵲未覩其構巢荆棘不
 於宿莽前距化臺步武而西有菴一區僅可依棲是
 為端木之考槃而鳥道繁紆猶存於故蹊想失麟角
 解絃泰嶽云頽三千抱慟七十街哀博約息善誘之
 誨任簡失中正之裁罔不心喪守制叩地號天如無
 怙恃涕泗潛然梅梅繭繭鷄斯徒跣羗三歲之既單
 整素囊而懷卷偉穎悟之俊賢腸車輪而萬轉既時
 序之雖深覺綢繆之尚淺別失聲之遠朋返櫬檀之
 故墟爰因楸以為屋力草茅於鋤剪泗之波兮夜潺
 潺弟予之淚兮汝盈眶而迸泉水之風兮秋撼撼弟
 予之寐兮實有標而寤擗翁仲與居兮狐狸與遊采
 蘋擷藻兮春馬復秋覽海旭之載升兮而曰江漢秋
 陽一翹首其如在撫墓櫛之叢灌兮而曰哲人梁木
 胡造物之能壞吾藜羹之得糝兮猶幸陳蔡桑落之
 未窮吾佳城之一眺兮喜申申天天恍然於凝睇之

中師之魄兮返真於茲師之魂兮去此何之俯而傾
 耳兮如聞其效歎仰而注目兮如待其光儀月靡日
 而不深于慕日靡時而不怒于思顧兔一隨其過隙
 金鴉不啻其跳丸楸何瞻而匪杏龍何遇而非壇且
 其流離瑣尾孤苦伶仃形慰其影影弔其形負土者
 聞之而報本慰雷者傲之而傲誠高誼薄雲夫百世
 以來齒冷夫陳相之伯仲酸悲聯夜月千載而下僅
 獲夫靈武之侯程方其竭五內之赤忱凜二暮於再
 泆並青松與幽篁不改柯而易葉夫然後割恩以義
 梓里言旋徑就荒而委之於風掃牖不墜而付之於
 蛛懸伊蟻兮出管自得螢火兮高下空燃是室也與
 突特可容膝稀疎不過數椽方之周迴數里雖若遠
 讓夫靈光之巨麗至若流芳萬禩斯又羞擬諸獨存
 之歸然吁嗟乎夫子之聖固百世以前知胡為乎顛
 倒衣裳但預料夫後世之男子而視予猶父曾略不
 及復有身後之顏淵

關里誌卷之十一

終

Faint vertical text columns, likely bleed-through from the reverse side of the page.

